

٧ سواقي

مسرحية

بقلم
سعد الدين وهبة



معاد الدين وهبة

٧ سوانح

ملاحية

الشعبية
٩٩ شارع قصر صبر - القاهرة
تليفون ٨١٠

الإهداء

الى جندي قتل في سيناء

سعد الدين وهبة

الشخصيات

حارس المقابر	رضوان
جندى شرطة	رشوان
مومس	نرجس
نفر قتل فى سيناء فى يونيه سنة ١٩٦٧	عبد الففار
نفر قتل فى سيناء فى يونيه سنة ١٩٦٧	خميس
نفر قتل فى سيناء فى يونيه سنة ١٩٦٧	محروس
نفر قتل فى سيناء فى يونيه سنة ١٩٦٧	شوقى
نفر قتل فى سيناء فى يونيه سنة ١٩٦٧	رمضان
نفر اصيب فى سيناء ومات فى القاهرة ١٩٤٨	عبد العال
قتل فى فارسكور اثناء مقاومة الصليبيين	عبد الواحد
قتل فى معركة التل الكبير تحت قيادة عرابى	عوس
قتل فى معركة التل الكبير تحت قيادة عرابى	محمود
قتل فى المنصورة وهو يحارب ضد لويس	عوضين
قتل فى بور سعيد ١٩٥٦	نبيل
قتل فى ميدان الازهر عام ١٩١٩	ييومى
قتل فى القنال عام ١٩٥٣	عبد الرؤوف
قتل عرقا فى حادث كوبرى عباس ١٩٤٦	محفوظ

شخصيات من التاريخ

احمد عرابى - عبد الرحمن الجبرتى - سليمان الحلبي -
ابراهيم الوردانى - مصطفى البشتيل - عدنان المننى

شخصيات أخرى

الامور - الحكمدار - الطبيب الشرعى - مدير التحرير - محرر
- مدير الاعلانات - المحقق - فريد - عصام - ومحمود -
وصبحى - وعبد الجليل - مثقفون - المذيمة - المثلة السينمائية -
العمدة - المخبر - رجال - فتيات - شبان - شيخ - معلم - جنود
- اموات

اللوحة الأولى

النظر :

(مقابر الامام الوقت قبل منتصف الليل - الجو بارد جدا - في خص بجوار احد المقابر يجلس خفير المقابر رضوان وامامه المسكرى رضوان بينهما (ركية) نار)

- | | |
|--|-------|
| – يقولوا الرؤية ما سبتتش يا شاويش رضوان | رضوان |
| – لا ... المفتى طلع بذات نفسه فوق البرج وبص رضوان | رضوان |
| في كل حته في السما ماشافش حاجه .. | |
| – يعنى صايمين صايمين بكره .. | رضوان |
| – ايوه .. كل سنة وانت طيب يا عم رضوان | رضوان |
| – وانت طيب ... بس الأكاده أنا قلت للوليه رضوان | رضوان |
| بلاش سحور الليلة ... | |
| – وتصبح صايم من غير سحور .. | رضوان |
| – كله بثوابه . | رضوان |
| – أنا لو ماكنتش زى ما انت عارف ما أقدرش رضوان | رضوان |
| اسيب الوردية كت رحت جبت لك سحور | |
| – تعيش ... بس يعنى حكاية الهلال دى مالهش رضوان | رضوان |
| حل .. | |
| – حلها ايه ماهو لازم الشيخ يشوف بنفسه الهلال رضوان | رضوان |
| .. الشرع كده .. | |
| – هم مش قالوا عندهم عدد وحاجات تشوف رضوان | رضوان |
| الهلال قبلها بيومين تلاته ... | |

- رشوان** - ايوه فيه انما المسألة ماتبقاش شرعية الا اذا
الشيخ شاف بنفسه
- رضوان** - طب وهو الشيخ لما بيطلع المدينة والا البرج
بيشوف بايه مش بعدد برضه
- رشوان** - نضارة معظمة
- رضوان** - طب نضارة بنضارة ما يسمموا بقى كلام العدد
الى بتشوفه قبلها بيومين تلاته بدل ما ياخدوا
الناس على غفلة
- رشوان** - برضه ما يبقاش شرع اقولك زى ايه ؟ زى الدبح
- رضوان** - الدبح
- رشوان** - ايوه دبح الطير والا لا مؤاخدة الحيوان هو الدبح
يبقى حلال الا لما تسمى وانت بتدبح
- رضوان** - طبعا لا
- رشوان** - اهي دى زى دى ...
- رضوان** - زياها ازاي طب ماهم بيقلوا انهم شافوا الهلال
هناك فى مكة ولا فى ابصر ايه نبقي كأننا شفناه
- رشوان** - طب ماهو لو واحد مسلم غيرك سمي على الدبح
يبقى حلال ..
- رضوان** - والله برضه مظلوط يا شاويش رشوان ...
فوق كل ذى علم عليم برضه ...
- (تدخل نرجس وهى ترتعد من البرد تجلس وتمد يدها
على النار)
- نرجس** - سالخير عليكم ...
- رشوان** - ايه الى جابك يابت الساعة دى ...
- نرجس** - رجليه ...

- رضوان** - احنا مش قلنا بلاش في رمضان ...
- نرجس** - ما رمضان راح خلاص يا عم رضوان ...
- رضوان** - لا ... لسه فيه بكرة ..
- نرجس** - انا عارفه بقى ... انا كت فاكراه حيخلص النهاردة ...
- رضوان** - ويعنى كت مستنية ع الآخر
- نرجس** - مش اكل عيش يا شاويش رضوان والا يعنى اموت م الجوع ... بس كفايه شهر بحاله أهوه مدخليش قرش مصدى
- رضوان** - دا شهر مفترج يا نرجس ما تعيطيش
- نرجس** - انا قلت حاجه بس هو شهر مفترج على ناس تانيين انما على انا شهر وقف حال ..
- رضوان** - انتى جايه ليه دلوقتى
- نرجس** - ما قلت لك كت فاكراه رمضان آخره الليلة
- رضوان** - وطلع مش آخره الليلة
- نرجس** - يبقى ادنى شويه واروح لجالى ..
- رضوان** - معاكيش سحور ..
- نرجس** - سحور
- رضوان** - اصل عم رضوان كان زيك فكره رمضان آخره الليلة ما جابش سحور معاه ..
- نرجس** - اروح اجيب لك ..
- رضوان** - مالوش لزوم ..
- نرجس** - يعنى تصوم من غير السحور ..
- رضوان** - كله بثوابه ...
- نرجس** - والنبي لانى جايالك دا انت خيرك على سابق

(قوم نرجس وتسع مبتعة)

— تعالى يابت ... نرجس.. تعالى

رضوان

(لا ترد وتخرج)

— سييها خليها تروح

رشوان

— يعنى اسحر من فلوس حرام يا شاويش رشوان

رضوان

— فكرك حترجع ...

رشدوان

— لازم ...

رضوان

— انا مش فاهم البنى آدم دا أصله ايه ... يعنى

رشدوان

حد يجيله نفس يعمل الحكاية دى فى الترب ..

— وهو ربنا بيسيبيهم دا الميتين لها حرمة برضه

رضوان

(يسمع صوت خنّاق وتدخل الى السرح نرجس وهى

تمسك بشاب يرتدى ملابس عسكرية ممزقة وهو مبتور

الافراع وخلفه اربعة عساكر احدهما مشوه والاخرون بهم

جراح مختلفة وملابسهم ممزقة) .

— تعالى هنا ... قوم يا شاويش رشوان شوف

نرجس

حكايتهم ايه ؟

— عملوا ايه دول يابت

رشدوان

— هجموا عليه وكانوا حيموتونى ..

نرجس

(بهم الجندى الذى تمسك به نرجس ان يتكلم ولكن

الشاويش روفد اخذ سمّ الحق يقسم اليه بيده ان يكف)

— استنى انت (لنرجس) ايه الى حصل

رشدوان

بالظبوط ...

— انا بعد مامشيت بشويه لقيت الجذع ده راح

نرجس

طالع لى من ورا التربة الى هناك داهيه وراح

هاجم عليه خلصت نفسى منه وجريت راحوا

طالبين دول (تشير الى الجنود الأربعة) من وراء التراب وراحوا محاططيني انما بقيت اصرخ ومارضيتش اسميه من ابدي ابدا ...

رضوان

– وکان عاوز منك ايه

فوجیس

— (تتقصع فی دلال) اسألہ کان عاوز منی ایہ ...

رشوان

— عاوز يسرقك يعني والا

فوجیس

— ایش عرفنی اهو قدامک اهو ...

رشوان

– انت يا جدد انت اسمك ايه ...

عيد الغفرار

- عبد الفغار محمود السيد

روشوان

— عاوز ايه من الست دي

عدد الفقار

— أنا مش عاوز منها حاجة أنا كت بأسألها عن

السكة

رشوان

— سكة ايه

عبد الغفار

— سكة المدافن ...

فوجیس

— سكة .. سكة ايه اللي بيسألني عليها واللى

پسألنی یروح ماسکنی بالحضن ..

عبد الغفار

— أنا سألتها عن السمكة يس

رشوان

– وعاوز ايه م السكة

عبد الغفار

– عاوز المدافن ... الترب ..

رشوان

— تستخبي فيها مش كده

عبد الغفار

— أبوه

رشوان

— ما هو يابن علي وشك ... أنا اعرف امثالك

على بعد ميت كيلو .. شوية عصصحة سم قتلوا

دكان ولا سرقتمو سرقة وحاسن تستخوا في

الترب ...

- رضوان
نرجس
رضوان
نرجس
- دول متعورين ...
– لازم كانوا فى الخناقة ...
– خناقة ايه ؟
– ظبطوا ناس كانوا يسرقوا فى شارع الازهر
وضربوا عليهم نار وحصل خناقة كبيرة قوى
واتعور منهم ناس يامه ...
– يبقى هم دول ... انتوا مضروبين بالنار مش
كده ...
– ايوه ...
– حلو .. والله واترقيت يا رضوان ...
(يرفع البندقية ، ويشد الترياس ويوجهها اليهم)
– قدامى بقى من غير كلام ..
– على فين
– ع القسم ... ع اللومان انشاء الله
– احنا مش عاوزين نروح اللومان ..
– هو بكيحكم ... قدامى بلاش مناهده وخلقى
ليلتكم تعدى على خير ..
– احنا عاوزين المدافن ..
– يا جدع قدامى بلاش وجع رأس
(الجندى يترك رضوان ويعود لزملائه فيلتفون حوله
ويتحدثون فى همس ثم يتقدم الجندى من رضوان)
– خلاص ياعم مش عاوزين ترب هنا .. احنا
حنروح مدافن الخفير والا المدافن اللى فى مصر
الجديدة ...
– ليه فكركو الحكاية ايه فوضى ؟ بوظه ، قدامى
منك له
- عبد الغفار
رضوان
رضوان
عبد الغفار
رضوان
عبد الغفار
رضوان
عبد الغفار
رضوان

نرجس - (تقترب من رشوان) حثديني كام بقى
يا شاويش رشوان

رشوان - اديكى اديكى ايه وبمناسبة ايه
نرجس - مش حتاخذ مكافأة ... وانا اللي جيتهم لك
رشوان - ما تقطعيش احنا لسه واقفين أهوه ..
(للجندي) اخزى الشيطان وامشى قدامى انت
وهوه ...

عبد الفغار - قلنا لك حنروح جبانة تانيه عن اذنك
(الجندي يسبح في هدوء شديد وعندما يبلغ زملاؤه
يتنضم اليهم ويولون ظهورهم للشاويش ويسرون ، الموقف
يتوتر جدا ... نرجس ورشوان يقفان خلف رشوان الذي
يسترد قبضته على البندقية ويصيح وهو مضطرب)
رشوان - أقف عندك انت وهوه ...

رشوان - (الجنود يسرون وكانهم لم يسمعوا)
رشوان - خطوه واحده وحاضرب في المليون ..
رشوان - بلاش اذيه يا شاويش رشوان اعمل معروف ..
رشوان - واسيب مجرمين قتالين قتلا يهربوا ..
رشوان - ايش عرفنا بس يمكن مظلومين
رشوان - ومظلومين خايفين يروحوا القسم ليه
نرجس - مظلومين ايه دول باين عليهم الشر والاذية
رشوان - خطوه واحده وحاضرب على طول

(الجنود يستمرون في السبح وفجأة يطلق رشوان
البندقية طلقة ثم يتبعها بخمس طلقات ولكن احدا من
الجنود لا يسقط ولا يظهر أى اثر لاصابة أى منهم)
رشوان - يانهار منيل دا ولا واحده صابت ... وكتاب

الله انا منشئ كويس .. لم الفوارغ ياعم رضوان
دى عهده

(رضوان ونرجس يجمعون الفوارغ ورضوان بين جمع
الفوارغ والنظر الى الجنود وهو فى قمة اضطرابه وحيرته .
الجنود توقفوا وهم الآن يستديرون ويتقدم اولهم . رضوان
يتصور انهم سيهجمون عليه فيتراجع للخلف ويوهمهم بانه
يعمر البندقية من جديد)

- اف عندك انت وهوه ... انا لسه معايه
رصاص كثير ...

- ياعم احنا مالناش دعوه بيك احنا كنا جايين
المدافن دى وبعدين انت قلت لا ، قلنا نشوف
مدافن تانيه ادى الدور ... سلامو عليكم
(يحاول ان يستدير ولكن رضوان يصرخ فيه)

- اف ...

- (وهو يتقدم ورضوان يتراجع) انت عاوز ايه
بالمظبوط

- لازم تروحو معايه القسم

- ليه

- عشان انتوا متهمين فى قضية وانا واجبى اقبض
عليكم ...

- احنا مش متهمين فى قضية ولا حاجه والحكاية
الى بتقول عليها دى احنا مانمر فهاش

- ايه الى يثبت لى

- احنا بنقولك اهوه ...

- تعالوا معايا القسم وهناك اثبتوا انكم مالكو
شان وهم يسيبوكم على طول

رضوان

عبد الغفار

رضوان

عبد الغفار

رضوان

عبد الغفار

رضوان

عبد الغفار

رضوان

عبد الغفار

رضوان

عبد الفغار - احنا مش عاوزين نروح القسم احنا عاوزين
نروح المداخن

(يستدير ولكن صوت رشوان يستوقفه)

رشوان - باقولك أنا معايله رصاص والبندقية اتعمرت ..

عبد الفغار - احنا ما يهمناش الرصاص

رشوان - ليه بقى ... محجبين ...

عبد الفغار - لا ... ميتين ...

رشوان - يبقى بتعترفوا انكم ميتين يعنى يا اموتكم انا

يا تموتوا اعدام فى المحكمة ... مش كده ...

عبد الفغار - لا ... احنا متنا خلاص والرصاص اللي ضربته

علينا جه فينا انما ماموتناش عشان احنا ميتين.

رشوان - يعنى الرصاص اللي انا ضربته جه فيكم ...

عبد الفغار - أيوه

رشوان - (بفرح)

سمعت يا عم رضوان دا أنا نشانى مطبوط

.. ست رصاصات فى المليون ..

عبد الفغار - لا .. تلاته بس

رشوان - الستة ..

عبد الفغار - تلاته بس .. واحده جت فى ضهرى .. ووصلت

للقلب والثانية جت فى الجدع ده ..

(يشير على أحد زملائه)

والتالثة فى الجدع ده

(يشير على زميل آخر)

رشوان - انت بتقول جاتلك الرصاص فى القلب ..

عبد الفغار - أيوه ..

رشوان - وما متش

- عبد الفغار
رشوان
عبد الفغار
رشوان
- يا عم قلت لك احنا ميتين من زمان ..
– معنى ايه ميتين من زمان ..
– احنا الخمسة كده متنا من سنة ونص واندفنا
كمان ..
– الله ... دى اخلوت يا جدعان
(يتحرك الى المجموعة ويسير حولهم يتأملهم في عبث
وسخرية)
يا وعدى .. بقى انتوا الخمسة كده في عين
العدو متم واندفتوا كمان ..
انتو بتشوفوا التلفزيون ؟
(يقف وياخذ سيماء الجد)
– تلفزيون
– امال بتجيبوا الكلام ده منين ..
– (يقترب من رشوان)
يا عم رشوان احنا الخمسة زى ما بافولك
كده متنا من سنة ونص واندفنا كمان ..
– ولما انتوا اندفتوا بتدوروا على مدفن تانى ليه
.. سيبتوا التراب ليه طالعين تشموا هوا
وراجعين طوالى ..
– احنا ماكناش مدفونين هنا .. احنا جايين
ندفن هنا ..
– امال كنتوا مدفونين فين ..
– احنا كنا في سيناء من سنة ونص .. متنا
واندفنا هناك ..
– وايه اللى طلعمكم بعد سنة ونص
– قلقنا
(يتقدم جندي تانى)
- عبد الفغار
رشوان
عبد الفغار
رشوان
عبد الفغار

- خميس - قلقوا منا منا
محروس - قلنا نندفن في أرضنا أحسن ..
رشوان - طب ماهي هناك أرضنا برضه ..
عبد الفغار - اصلهم طولوا قوى ..
رشوان - معلنش طولوا قصروا دى أرضنا وحتفضل أرضنا ..
خميس - الصراحة ماطقناش ..
محروس - قلنا نندفن هنا مع أهلينا أحسن ..
نرجس (رشوان يفكر لحظة .. نرجس تقترب منه)
نرجس - أنا ماشيه يا شاويش .. انما ماليش دعوه بالشورة دى ..
(نرجس تسر مرة وهي تنظر الى الجنود في خوف ..
رضوان يقترب من رشوان بهمس له)
رضوان - الكلام ده مضبوط ..
رشوان - أنا عارف .. أنا خلاص مخي اتلخبط ..
رضوان - ع العموم دول مش من بسم الله الرحمن الرحيم ..
.. أنا قرئت آية الكرسي ولا ميت مره .. لو كانوا كده والا كده كان زمانهم انصرفوا ..
رشوان - (يتقدم من الجنود)
وايه بقى اللي يثبت لى ان الكلام اللي بتقولوه مضبوط ..
عبد الفغار - انت مش ضريت علينا بالنار
رشوان - أيوه ..
عبد الفغار - وحت فينا ..
رشوان - أيوه ..
عبد الفغار - وما عملتش فينا حاجه ..

روش‌خوان

عبد القفار

رَشْوَان

عبد الغفار

رشوان

ده برضه بخش المخر ..

(يسمع صوت فرقة ويخرج من قبر مجاور ميت يرتدى

عمد العال

عامل الزبطة دى ليه ..

١) رضوان ورضوان يلتفتان اليه .. رضوان في حالة

روشوان

العسكري ده . .

عمد العالم

اسمى عيد العمال الموجود . وجای حضرتك

مئة

رَشْوَان

عبد العال

أهود .. ما يتشوفش ..

رشموان

عدد العال

رشموان

(يسقط رشوان)

- مستار -

اللوحة الثانية

المنظر :

(قسم الشرطة .. مكتب المأمور ..)

المأمور يجلس الى مكتبه وامامه ضابط برتبة ملازم
وبجواره تقف نرجس وفي الركن يجلس رضوان حارس
المقابر ..)

المأمور

— وبعدين يا نرجس ..

— وبعدين يا سعادة البيه راح هاجم على ..

المأمور

(يدق جرس التليفون ويرفع المأمور السماعة ويتحدث)
— أيوه يا أفندم .. لا يا أفندم .. الطبيب
الشرعي راح يا أفندم التقرير حيوصلني حالا
أبلغه لسيادتك فوراً يا أفندم ..
مع السلامة يا أفندم ..

(المأمور يضع السماعة)

المأمور

— وبعدين يا نرجس

نرجس

— وبعدين يا سعادة البيه راح هاجم على ..

المأمور

(يدق جرس التليفون ويرفع المأمور السماعة ويتحدث)
— لا يا أفندم .. لسه يا أفندم .. أخطرناه
يا أفندم .. حاضر يا أفندم .. مساء النور
يا أفندم ..

(يضع المأمور السماعة)

المأمور

— أيوه يا نرجس وبعدين ..

نرجس

— بس يا سعادة البيه هو راح هاجم على ..

- (يدي جرس التليفون ويرفع المأمور السماعه)
 - تحت أمرك يا أفندم .. أبلغ سيادتك فوراً
 يا أفندم .. حاضر يا أفندم
- (يضع السماعه)
 - أيوه يا نرجس ..
 - بس يا سعادة البيه هو راح هاجم على من هنا
 وأنا رحت ..
- (ويدقي جرس التليفون ويرفع المأمور السماعه ويتحدث)
 - أشوفه حاضر يا أفندم .. ما قدرتش أحاول
 تانى يا أفندم .. حاضر يا أفندم
- (المأمور يضع السماعه ويحدث الضابط)
 - هات رشوان ..
- (الضابط يعيى ويخرج)
 - أيوه يا نرجس قلتي ايه بقي
 - بس يا سعادة البيه هو راح هاجم على من هنا ..
 (يدخل الضابط يدفع رشوان في قميص الاكتاف ويوقفه
 امام المأمور وتسمت نرجس)
 - أيوه يا رشوان ازيك دلوقت ..
- المأمور رشوان
 - حى .. قيوم .. خمس رصاصات يا سعادة
 البيه كل رصاصة فى واحد .. خمسة فى خمسة
 .. وماحصلش حاجه انا قلت له انتوا متحجبين
 .. قال لا احنا ميتين .. حى .. حى لايموت
 .. الله .. الله .. الله اكبر على من طفى
 وتكبر ..
- (يهمس للضابط)
 - خد البوكس واثنين عساكر وودوه المستشفى
 حالا ..

- الضابط**
رشوان
- حاضر يا أفندم ..
– أروح فين .. المدافن لا .. الله الفنى .. أنا
عاوز أروح الجنة دانا غلبان .. وعندى عيال
عاوز أريهم ..
- الأمور**
الضابط
رشوان
- خده يا حضرة الضابط مطرح ماهو عاوز ..
– حاضر يا أفندم ..
– أروح الجنة .. الله حى .. الله حى ..
(يدخل رجل مهيب الحكمдар .. يراه الأمور فيقف
ويلاقيه فى منتصف الحجرة محيا)
– وبعدين يا نرجس ..
– بس يا سعادة البيه هو راح هاجم عليه من
هنا ورحت أنا ..
– اتفضل يا سعادة البيه
- الأمور**
(الحكمдар يدخل ويجلس مكان الأمور على المكتب)
(الأمور يقف)
– ايه آخر التطورات ..
– منتظرين تقرير الطبيب الشرعى
– كشف عليهم كلهم ..
– ايوه يا أفندم ..
– والعسكرى رشوان ؟
– مسكين بعته دلوقت حالا المستشفى .. الصدمة
كانت شديدة عليه ..
– سألت كل الشهود ..
– (يشير الى رضوان)
– سألت خفير المقابر وكت باسأل البت دى ..
– دى ايه كمان ..
- الحكمдар**
الأمور
الحكمдар
الأمور
الحكمдар
الأمور
الحكمдар
الأمور
الحكمдар

- المأمور — دى اللى شافتهم الاول ..
- الحكمدار — طب وحياتك استعجل الطبيب الشرعى ..
- المأمور — هو قاعد فى مكتب نايب المأمور بيكتب التقرير ..
- الحكمدار — والحراسة هناك
- المأمور — قوات كفاية جدا يا أفندم محاصره القرافة كلها
وفيه عربيتين نجدة اذا حصل اى حاجه
حيلفونا باللاسلكى ..
- الحكمدار — طب وحياتك استعجل تقرير الطبيب الشرعى ..
- المأمور — حاضر يا أفندم ..
- (المأمور يخرج والحكمدار يرفع سماعة التليفون ويدير
رقما ويتحدث)
- الحكمدار — مساء الخير يا أفندم .. التقرير حيوصل
حالا حابله لسيادتك على طول .. تصبح على
خير يا أفندم ..
- (الحكمدار يضع السماعة ثم ينظر الى نرجس التى
وقفت بعيدا ويناديه)
- الحكمدار — تعالى يا شاطره هنا ..
- (تتقدم نرجس وتقف امام المكتب)
- الحكمدار — اسمك ايه
- نرجس — اسمى نرجس ..
- الحكمدار — بتشتغلى ايه ..
- نرجس — ما بشتغلش ..
- الحكمدار — وشفتى ايه بقى ..
- نرجس — انا كنت ماشيه يا سعادة البيه وبصيت لقيته
راح هاجم عليه ..
- (يدخل المأمور وخلفه جرسون البوفيه)

- الأمور
الحكمدار
الأمور
الحكمدار
الأمور
الحكمدار
نرجس
الأمور
الحكمدار
الطبيب
الحكمدار
الطبيب
الحكمدار
الطبيب
- سيادتك تشرب شاي والا قهوة ..
– لا متشكر ولا حاجة ..
– عندنا بن كويس ..
– يبقى فنجان ع الريحه .. بس وحياتك
التقرير ..
– فاضل آخر صفحة ..
(يترج الأمور والجرسون)
– وبعدين يا نرجس ..
– بس يا سعادة اليه هو راح هاجم عليه من
هنا ..
(يدخل الأمور ومعه الطبيب الشرعى .. يقف الحكمدار
ويصافحه الطبيب الشرعى ثم يجلس الأمور وينظر الى
نرجس ورضوان والسحراتى ..)
– استنوا بره شويه .. ما تمشوش ..
(تخرج نرجس ورضوان .. يجلس الأمور)
– خير يا صبرى بيه
– والله يا سعادة الحكمدار حكاية محيره جدا ..
أنا مش عارف اقول ايه بالظبط ..
– سيادتك كشفت عليهم ..
– كشف كامل جدا ..
– والنتيجة ..
– (بقرا من الورقة)
- اول واحد اسمه عبد الغفار محمود السيد
سن واحد وعشرين من غرين مركز منوف
مصاب برصاصة فى أسفل القلب ومتوفى من
١٥ شهرا ..

الثانى محروس سليمان عبد السيد سن ٢٢
 من زاوية غزال بحيرة مصاب بشظية مستقرة
 بقاع الجمجمة ومتوفى من تمتاشر شهر ..
 الثالث خميس عبد السلام رشاد سن ٢١
 من كوم الشقافة باسكندرية مصاب برصاصتين
 فى البطن نشأ عنهما تهتك داخلى ومتوفى من سنة
 ونص ..

والرابع شوقى ابراهيم مصطفى من سنهور
 محافظة الفيوم مصاب برصاصة فى العمود
 الفقرى وميت من تمتاشر شهر ..
 والخامس رمضان محفوظ رمضان من طره
 الاسمنت محافظة القاهرة مصاب بتمزق فى
 الأحشاء ومتوفى من ١٨ شهر ..

الحكمدار
 الطبيب

- يعنى ميتين صحيح ..
 - فعلا ومن تمتاشر شهر يعنى كلهم ماتوا فى
 يونيو ١٩٦٧

الحكمدار
 الطبيب

- يبقى الكلام مطبوط ..
 - من ناحية الوفاء وسببها وتاريخها بالتقريب
 مطبوط جدا فاضل الكشف عن وجودهم فى
 سيناء فى التاريخ ده ..

الحكمدار

- دا كمان ثبت انه صحيح لانه بالكشف فى ادارة
 السجلات العسكرية اتضح انهم الخمسة من
 المفقودين فى سيناء فى يونيو ١٩٦٧ والوزارة
 اعتبرتهم شهداء من الاول خالص ..

الطبيب

- بس علينا نقول ايه .. ما حدش قال كده
 برضه ..

- الحكمدار - دا بيثبت يا دكتور ان فوق كل ذى علم عليم ..
- الطبيب - فيه لسه فى الكون اسرار كتير العقل ماوصلهاش.
- الحكمدار - حاقول لك ايه لو كنت سبق انا الى كشفت عليهم كنت رديت عليك وقلت كلام كتير .. انما حاقول ايه ..
- الحكمدار - وحياتك يا حضرة المأمور صورة من التقرير لكل الجهات ..
- المأمور - حاضر يا افندم ..
- الطبيب (يقف الطبيب الشرعى) - استاذن انا بقى ..
- الحكمدار - مع الف سلامة تعيناك ..
- (الطبيب يصافح الحكمدار والمأمور والاخر يوصله الى باب المكتب)
- المأمور - مش عارف كان مستخبي لنا فين ده
- الحكمدار - باقول نخطر النيابة بقى ..
- المأمور - لازم فعلا نخطر النيابة بس اى نيابة
- الحكمدار - على رايك .. النيابة العامة دول مش مجرمين ..
- .. النيابة العسكرية دول مش عسكريين ..
- نيابة أمن الدولة هي مالها
- المأمور - مفيش غير نيابة الاسكان ..
- الحكمدار - الاسكان ؟
- المأمور - مش بيدوروا على مقابر فاضية
- الحكمدار - باقول اخطر النائب العمومى وهو يتصرف ..
- المأمور - معقول برضه ..
- (المأمور يصل الى الباب ويوقفه صوت الحكمدار)
- الحكمدار - هات البت الشاهدة لما تكمل استجوابها ..

الأمور

- حاضر ..

(يخرج الأمور .. الحكماء يرفع السماعه ويدير القرص ويتحدث)

الحكماء

- مساء الخير يا أفندم .. آسف يا أفندم ..
التقرير في الطريق .. لا يا أفندم .. ميتين فعلا
يا أفندم من سنة ونص ..

(أثناء الحديث تدخل نرجس وتقف أمام الحكماء)
حا اخطر سيادتك بكل التطورات يا أفندم ..
مع السلامة يا أفندم

(يضع الحكماء السماعه وينظر الى نرجس)

الحكماء

- وبعدين يا .. انتى اسمك ايه ..

نرجس

- نرجس يا سعادة البيه ..

الحكماء

- وبعدين يا نرجس حصل ايه ..

نرجس

- بس يا سعادة البيه هو راح هاجم عليه ..

(يدخل الأمور مسرعا)

الأمور

- الصحفيين بره عاوزين يقابلوا سيادتك ..

(يهبط الحكماء واقفا كمن لدغته عقربة)

الحكماء

- صحفيين عاوزين ايه دول كمان

الأمور

- طبعا سمعوا عن الحكاية وعاوزين تفصيلات ..

الحكماء

- وعرفوا ميتين دول ..

الأمور

- هو فيه حاجه بتستخبي عليهم ..

الحكماء

- ع العموم قول لهم اى حاجه وخليهم يروحوا

مش فاضيين لهم

الأمور

- باقول برضه يقابلوا سيادتك وتقول لهم اى

كلمتين ..

الحكمدار

— هاتهم يا سيدى ..

(ينظر الى نرجس)

استنى بره شويه ..

(يخرج المأمور ويخرج نرجس .. يعود المأمور ومعه

عدد من الصحفيين والمصورين .. يقف الحكمدار واثناء

الحديث يقوم المصورون بالتصوير بالفلاشات)

صحفى (١)

— عاوزين تفاصيل الحادث ..

صحفى (٢)

— هم ظهروا الساعة كام بالضبط ..

صحفى (٣)

— ايه التصرف معاهم دلوقت ..

صحفى (٤)

— هم صحيح كانوا فى سيناء ..

صحفى (١)

— راي سيادتكم فى الحكاية دى ايه ..

صحفى (٢)

— العلم يرفض ..

الحكمدار

— انا كان يسعدنى انى اجيب على اسئلتكم كلها

الا انه حرصا على مصلحة التحقيق تقرر حظر

نشر اى شىء عن الواقعة ..

صحفى (١)

— ازاي ..

صحفى (٢)

— مش معقول ..

صحفى (٣)

— نقول للناس ايه ..

صحفى (٤)

— انما الشعب لازم يعرف ..

المأمور

— اتفضلوا حضراتكم بقى عشان انتوا بتعطلوا

التحقيق دلوقت

(يخرج الصحفيون)

هات البت الشاهدة بقى ..

(يفرج الأمور ويخل ومعه نرجس)

— (يجلس) —

— وبعدن يا نرجس ..

— وبعدن يا سعادة اليه هو اول ما هجم عليه ..

الحكماء

نرجس

— سستار —

اللوحة الثالثة

المنظر :

- (دار صحيفة الأنباء .. مكتب مدير التحرير .. مدير التحرير يجلس الى مكتبه وامامه عدد من المحررين والمصورين يحملون كاميراتهم)
- مدير التحرير** - ماهو مش معقول .. مش معقول .. حدث
خطير زى ده ويطلع الجسر نان بكره مفيهوش
كلمة واحدة عنه وانت يا سى سامى تقولى حظر
نشر ..
- سامى مدير التحرير** - يا افندم الحكمدار بنفسه قال الكلام ده ..
- أقطع دراعى اذا ما كانت أبو الهول طالعه بكره
بمنشيت أحمر وصور وأحاديث خاصة مع
العساكر الميتين .. الميتين اللى صحبوا والميتين
اللى ما صحبوش كمان ..
- سامى مدير التحرير** - طب واحنا نعمل ايه ..
- نشغل .. نتحرك .. نبذل مجهود ..
- سامى** - يا افندم فيه حظر نشر ..
- الأمور** - النائب العام ما اصدرش حاجه لحد دلوقت ..
فيه قرار بمنع النشر من النائب العام ..
- سامى** - لحد دلوقت ما بلفناش حاجه انما لازم برضه
.. آمال الحكمدار بيقول كده ليه ..
- مدير التحرير** - يمكن بيتخلص منكم .. يمكن مش قاضى لكم ..
- سامى** - يا افندم لا يمكن تكون المسائل بالبساطة دى ..

مدير التحرير - لا بالبساطة دي واكثر شويه كمان .. حضرتك حاولت تروح المدافن تقابلهم ولا تاخذ لهم صورة واحدة ؟

سامى - ما قلت لك المنطقة كلها محاصرة ولا يمكن حد يعرف يوصل هناك

مدير التحرير - اعمل اى طريقة اتصرف الصحافة عاوزه تصرف يعنى نطلع بكره ولا كلمة ..

سامى - احاول مرة ثانية ..

مدير التحرير - (لمحرر آخر)

وانت يا استاذ فؤاد حاولت تتصل بأسر الجماعة دول ..

- اسرهم ؟؟

مدير التحرير - ايوه يا استاذ اسرهم .. عائلاتهم .. العساكر

دول مش من عائلات لهم اب وام واخوات وزوجة

واولاد .. لازم تسألهم شعور الام اللى فقدت

وحيدها لما صحى تانى ... ازاي الخبر جالها

.. ازاي عرفت ابنها رجع للحياة .. قصص

يا استاذ عاوزين قصص انسانية .. الام الثكلى

تسترد وحيدها من الحياة الأخرى .. الزوجة

اللى مات زوجها ليلة الزفاف .. ما هو شعورها

عندما عاد اليها ..

فؤاد - يا افندم نجيب الناس دول منين واذا كنا احنا

مش عارفين مين هم العساكر دول اسماؤهم

ايه وبلادهم فين ..

مدير التحرير - دور يا استاذ .. ابحت اتصل بجميع المندوبين

في الاقاليم كلفهم يسألوا .. حاول تعرف تقرير
الطبيب الشرعى .. اتصرف بقى ..

- حاضر ..

فؤاد

مدير التحرير - اتفضلوا وافقن ليه اتصرفوا ..

(يخرج سامى وفؤاد ومع كل منهما مصور)

مدير التحرير - (لمحرر آخر)

وانت مش تروح تشوف لك خبرين عشان
الباب بتاعك .. اخبار صغيرة .. الناس بتحب
الحاجات دى .. ايه اول كلمة قالها العسكرى
اول ما صحى .. مراته قالت ايه .. كانت
لابسه ايه .. ايه هى الاكلة المفضلة عنده ..
حاول يا استاذ حاول .. اتعلموا صحافة بقى ..

(المحرر لا يرد بل يخرج مسرعا)

(مدير التحرير وحده الان يرفع السماعة ويتحدث)

مدير التحرير - ايوه يا عبد الفغار .. ادينى على القرش ..

ايوه يا على .. مش حاتحاولوا تستفيدوا من
الحادث ده .. ازاي .. طيب انا مستنيك
وربني مشاريعك ..

(يضع السماعة ويحدث نفسه)

مدير التحرير - اقطع دراعى اذا ما كانت ابو الهول حططاع

بالموضوع كله وطب واتصرف ازاي .. حظر نشر
ايه بس ..

(يدخل على القرش ومعه مساعده فكرى يحييان باليد

ويجلسان)

- مساء الخير ..

على

مدير التحرير - اهلا يا استاذ قرش .. اياك تكون فكرت في
حاجه نستفيد بيها عن الحادثة دى ..

على - الحقيقة انا من اول ماسمعت قعدت انا والاستاذ
فكرى وطلعنا بكام مشروع مش بطالين ..

مدير التحرير - اتفضل اياك يكون فيهم حاجه تنفع .. اهى
تجيب قرشين للجريدة عشان العلوات ..

على - معلوم .. معلوم اتفضل يا استاذ فكرى ..
فكرى - احنا فكرنا فى اننا ناخذ العساكر اللى صحبوا

دول ونعمل لهم عرض ازياء ..

مدير التحرير - عرض ايه ؟

فكرى - ازياء .. دى غلبة يعنى ..

مدير التحرير - ازاي ..

على - اقول لحضرتك .. يعنى ناجر صالة هيلتون او
سميراميس وناخذ الجماعة دول ونلبسهم بدل
من انتاج مصانعنا

مدير التحرير - ناخذ العساكر اللى كانوا ميتين وصحبوا ونعمل
لهم عرض ازياء

على - اى شركة ازياء او شركة اقمشة تدفع آلاف
الجنيهات فى نظير اعلان زى ده .

مدير التحرير - بس يعنى .. انا حاسس ان المشروع ده شويه
كده ..

على - فيه مشروع تانى انما واثق انك حتوافق عليه
على طول ..

مدير التحرير - اتفضل ..

فكرى - المشروع يتلخص فى ..

- على - (مقاطعا)
- استنى يا استاذ فكرى اشرحه انا ..
- فكرى - اتفضل ..
- على - زيارة العساكر دول للمعرض الصناعى ..
- مدير التحرير - زيارة ..
- على - ابوه ناخدهم يزوروا المعرض جناح جناح ونصورهم فى كل جناح وطبعا اى رئيس مجلس ادارة يرحب انه يتصور معاهم .. ننشر الصور فى الجريدة ونعمل فيلم كمان عشان التلفزيون.
- مدير التحرير - دى معقولة اكثر ..
- على - تصور سيادتك العنوان ده .. الموتى الاحياء فى زيارة جناح شركة اس اس .. المهندس على على على رئيس مجلس الادارة يستقبل الموتى الاحياء فى جناح شركة اف اف . الموتى الاحياء ينصحونك باستخدام معجون اسنان ار ار ..
- مدير التحرير - معقول الى حد ما ..
- على - اؤكد لسيادتك اننا حنجيب ذهب للجريدة من اعلان زى ده ..
- مدير التحرير - بس يسيبوهم دا انا سمعت انهم عاوزين يندفنوا تانى ..
- على - قبل ما يندفنوا .. الحكاية مش حتستغرق اكثر من ساعة واحدة .. يقدرُوا يأخروا الدفن شويه ..
- مدير التحرير - يأخروا الدفن عشان اعلاناتك ..
- على - عشان انتاج البلد .. عشان الدعاية للتطور

الصناعى دى خدمة وطنية . وانا واثق انهم

لا يمكن يعترضوا على حاجه زى دى

مدير التحرير - ايه ده ..

سامى - دا القرار ..

مدير التحرير - (يقرأ بصوت مرتفع)

يحظر نشر أى شىء عما حدث اليوم فى مقابر

الامام لمصلحة التحقيق ..

(يرفع راسه)

بس دا اللى حنقله للناس الصبح .. والله

عال ..

على - يبقى طارت الاعلانات والعلاوات ..

مدير التحرير - ازاي .. لازم نستعد .. حظر النشر دا مش

حيستمر على طول انت يا سامى تقول لاختوانك

كلهم يستمروا فى عمل الموضوعات اللى كلفتهم

بها .. وانت يا استاذ على تعمل مجهود عشان

تاخذهم المعرض .. اول ما حظر النشر يترفع

نبقى جاهزين .. امال ايه اتحركوا ..

(يخرج سامى وعلى وفكرى مسرعين)

— ستار —

اللوحة الرابعة

المنظر :

(مقابر الامام الوقت قبيل الفجر .. الجو ما زال باردا
وضعت بجوار احد القبور مائدة صفيرة وجلس امامها
المحقق وبجواره الكاتب يكتب وامام المائدة الجنود الخمسة
يقفون اربعة في صف واحد والذي يساله المحقق يتقدم
خطوة الى الامام وخلف الجنود احد ضباط الشرطة ومنعه
اثنان من المساكر المسلحين ومن بعيد يرى جنود الحراسة
وعند من الاهالي يمتهم الجنود من الاقتراب .. المحقق
يسال الجندي الاول عبد الفغار ..)

- المحقق
عبد الفغار
- اسمك وسنك وصنعتك ..
— عبد الفغار محمود السيد سن واحد وعشرين
من غرين مركز منوف
- المحقق
عبد الفغار
- وقبل ما تدخل الجيش كنت بتشتغل ايه ؟
— فلاح ..
- المحقق
عبد الفغار
- احكي لنا حكايتك بالطبط ..
— مفيش حكاية ولا حاجة انا قمت انا والجماعة
دول ..

(يشير الى زملائه)

- وقلنا نندفن هنا احسن ... الشاويش
اعترض سكتنا ، آدى الدور ..
— مت ازاي ..

المحقق

عبد الفغار

.. انا كنت في الفرقة الثالثة مشاة وقبل الحرب
كنا في سينا وكنا معسكرين حوالين الحسنة
وبعدين يوم ٥ يونيو سنة ١٩٦٧ العدو هجم
علينا صديناه وحاربنا جامد قوى وبعدين يوم
٧ الصبح صدر لنا امر بالانسحاب دورنا ع القائد
قالوا نزل مصر انسحبنا في ممر متلا اتقابلنا احنا
والفرقة السادسة اللي كانت منسحبة زينا كنا
كثير في الممر طيارات العدو اصطادتنا وجاتني
اصابة في قلبي وممت وكان معايا شوقي ..

(ويشير الى احد زملائه)

ورمضان هم كانوا في الفرقة السادسة
انصابنا كلنا في ممر متلا

.. يوم خمسة ... ايه اللي حصل بالمظبوط ..
.. العدو هجم علينا من بعيد وكنا نقدر نهجم عليه
جامد ..

المحقق

عبد الفغار

.. كان معاكم قوات كفاية ..
.. كان معانا كتيبتين و ٧٥ دبابة ولو هجمنا كنا
عملنا حاجه كبيرة القائد رفض
.. رفض ليه ..

المحقق

عبد الفغار

.. ما اعرفش واحنا سمعنا انه طلب الاذن
بالانسحاب
.. ليه ..

المحقق

عبد الفغار

.. ما اعرفش وبعدين رفضوا يخلوه ينسحب
وهجم علينا العدو واشتبكتنا معاه جامد ..
.. لحد يوم كام ..
.. لحد الساعة ثمانية وربع يوم ٧ لما صدر الامر
بالانسحاب ..

المحقق

عبد الفغار

- المحقق**
عبد الفغار
المحقق
عبد الفغار
المحقق
عبد الفغار
عند مصر متلا
- المحقق**
عبد الفغار
المحقق
عبد الفغار
- المحقق**
عبد الفغار
المحقق
- المحقق**
عبد الفغار
المحقق
- (بشر الى الثاني)
تعالى انت ..
- (يتراجع عبد الفغار ويتقدم خميس)
- المحقق**
خميس
المحقق
خميس
المحقق
- وانسحبوا
 - كان لازم ننسحب للجنوب انسحبنا للغرب ..
 - ليه ..
 - عشان القائد كان ساينا ورجع مصر ..
 - وده ادى لايه ..
 - ان احنا بقينا زحمة احنا والفرقة السادسة
 - عند مصر متلا
 - يوم خمسة كان فوقكم طيارات ..
 - لا .. وعشان كده كنا تقدر نهجم جامد
 - وبعد الحرب ايه اللي حصل ..
 - ولا حاجه متنا واندفنا في سينا وبعدين الحكاية
 - طولت صحيت انا وزملائى وقلنا نيجى نندفن
 - في ارضنا احسن ..
 - طب ما هي سينا ارضنا برضه ..
 - ابوه بس الحكاية طولت واحنا قلقنا ..
 - طب اتفضل انت ..
 - (بشر الى الثاني)
 - تعالى انت ..
 - (يتراجع عبد الفغار ويتقدم خميس)
 - اسمك وسنك وبلدك
 - خميس عبد السلام رشاد سن واحد وعشرين
 - من كوم الشقافة في اسكندرية ..
 - قبل ما تدخل الجيش كنت بنشتغل فين ..
 - في البحر ..
 - ايه اللي حصل ..

خميس

- يوم خمسة يونيه انا كنت من قوة مطار العريش
طيارات العدو هاجمتنا والقائد بتاعنا اصدر
امر بالانسحاب انسحبنا

الحقق

خميس

- وبعدين ..
- وبعدين انا شفت طيارة من بتوعنا واقفة في
المطار قلت في عقل بالي مش معقول نسيبها كده
زى ماهيه سليمة وبعدين رجعت عشان انسفها.

الحقق

خميس

الحقق

خميس

- تنسفها .. بايه ..
- بأى حاجة دا عود كبريت كان يخليها كوم تراب.
- وتنسفها ليه ..
- أولا عشان العدو مايستعملهاش .. وثانيا لو
اتنسفت كانت حتخلي المطار غير صالح
للاستعمال بسرعة .. وثالثا عشان ماياخدوهاش
ويعرفوا اسرار اسلحتنا ..

الحقق

خميس

- ونسفها ...
- ما لحقتش نزلت على طيارة من طيارات العدو
ضربتني بالرشاش انصبت في رجلي قعدت
ازحف لحد ماتت واندفنت هناك في الصحراء ..

الحقق

خميس

- وبعدين ..
- وبعدين صحيت مع الجماعة واتفقنا ان احنا
نيجي نندفن هنا

الحقق

- طب اتفضل ...

(بشر الى محروس)

تعالى انت ..

(يعود خميس ويتقدم محروس)

- المحقق محروس
- اسمك وسنك وبلدك ..
- محروس سليمان عبد السيد ٢٢ سنة من زاوية
غزال بحيرة ..
المحقق محروس
- كنت بتشتغل ايه قبل ما تروح الجيش ..
- فلاح ...
المحقق محروس
- ايه اللي حصل ..
- انا كنت في رفع يوم خمسة العدو هجم علينا
انما احنا اتقسمنا قسمين وقدرنا نطوق قوات
العدو وحاصرناه وتقدمنا ناحية ارض فلسطين
وبعدين حصل اللي حصل ..
المحقق محروس
- ايه هو اللي حصل ..
- بعد ما دخلنا كام كيلو صدر لنا امر بالانسحاب.
المحقق محروس
- ليه ..
- ما عرفش ..
المحقق محروس
- كنتوا تقدرُوا تتقدموا ..
- طبعا وكان معنا قوات كفاية وسلاح كفاية ..
المحقق محروس
- انسحبوا ..
- ايوه وفي اثناء الانسحاب صابتنى شظية قنبلة
جت في راسي ومِت ..
المحقق محروس
- وبعدين ..
- ولا حاجه لما قلقتا قلنا نقوم ونيجي نندفن هنا ..
المحقق محروس
- طب اتفضل انت ..
(ويشير الى شوقي)
تعالى انت ..
(يعود محروس ويتقدم شوقي)
المحقق محروس
- اسمك وسنك وبلدك ..

- شوقى ابراهيم مصطفى سن ٢١ من سنهور -
فيوم ..

- كنت بتشتغل ايه قبل ما تدخل الجيش ..

- انا كت طالب ..

- ايه الى حصل ..

- ولا حاجه ..

- ولا حاجه ازاي ما حاربتش ..

- ابدا ولا شفت حرب خالص من اصله ..

- مادخلتش معركة مع الأعداء ..

- ولا شفت أعداء ولا أيها حاجه ..

- أمال رحت سينا ازاي ومث ازاي ..

- رحت مع الكتبية وقعدنا هناك في المعسكر وأول

ما هجم العدو استمعدنا عشان نتقدم صدر لنا

أمر بالانسحاب

- وبعدين ..

- وصلنا ممر متلا وهناك اصطادتنا طيارات العدو

وانصبت في العمود القمري ومث ..

- وقمت مع الجماعة وجيتم عشان تندفوا هنا ..

- أبوه ..

- طب اتفضل ..

(بشي الى رمضان)

- تعالى أنت ..

(يتقدم رمضان ويعود شوقى)

- اسمك وسنك وبلدك ..

- رمضان محفوظ رمضان سن ٢٠ من طره

الاسمنت قسم حلوان

شوقى

المحقق

شوقى

المحقق

شوقى

المحقق

شوقى

المحقق

شوقى

المحقق

شوقى

المحقق

شوقى

المحقق

شوقى

المحقق

المحقق

رمضان

- الحقق**
رمضان
- قبل ما تدخل الجيش كنت بتشتغل ايه ..
- كنت عامل بشركة المواسير ..
- ايه اللي حصل ..
- انا خدمت في الجيش قبل كده وفي مايو ١٩٦٧
خدوني رديف ورحت سينا ..
- وبعدين ..
- الحقق**
رمضان
- لما دخلت الجيش تاني لقيت السلاح غير السلاح
وانا ما اعرفش حاجه في السلاح الجديد ..
- ما ادريتش ع السلاح الجديد ؟
- لا كل ما اقول لهم عاوز اتعلم السلاح
الجديد يقولوا لى بكره ..
- وبعدين ..
- الحقق**
رمضان
- جت الحرب وانسحبنا وانضريت ..
- انسحبوا ليه ..
- عشان كان فيه امر بالانسحاب ..
- ومت ازاي ..
- الحقق**
رمضان
- العدو عمل لنا كمين واحنا راجعين وعند ممر
متلا انضربنا
- ما حاولتش تدافع عن نفسك ..
- كان معايا مدفع انما ماكنتش عارف بيشتغل
ازاي ..
- الحقق**
رمضان
- وبعدين ..
- ولا حاجه جالي رصاصة في بطني ومت ..
- وجيت عشان تندفن هنا ..
- أبوه ..
- الحقق**
رمضان

المحقق
المحقق

- طلب اتفضل انت ..
- (يملأ الكاتب)

وقفل المحضر على ذلك فى تاريخه وساعته
(يقف المحقق والكاتب يطلق الاوراق ويقف حاملا دوسيه
المحقق يقترب من الضابط)

المحقق
الضابط
المحقق

- انا مش شايف فيه اى مانع من انهم يندفنوا ..
- حاضر يا أفندم ..
- انا حاضرا التحقيق انما سيبوهم يندفنوا
مطرح ماهر عاوزين
- حاضر يا أفندم ..

الضابط

(يخرج المحقق وخلفه الضابط)

(الضابط يتقدم من الجنود)

- اتفضلوا حضراتكم كل واحد يشوف هو عاوز
يندفن فين ..

الضابط

(الجنود يتهايمسون واخيرا يتقدمون وقبل ان يسسروا
خطوات يخرج لهم من احد القبور ميت يرتدى الكفن الابيض
« عبد المال »)

عبد المال
عبد الغفار
عبد المال

- حيلك انت انت وهو رايعين فين
- رايعين نندفن ..
- هى فوضى ..

(الضابط يسرع مت دخلا)

الضابط
عبد المال
الضابط
عبد المال

- فيه ايه .. انت مين
- انا المدفون هنا ..
- وعاوز ايه ..
- مش ممكن الجماعة دول يندفنوا هنا ..

- الفصابط — ازای بقى وانت دخلك ايه فى الموضوع ..
 عبد العال — أنا مت فى حرب ٨٨
 الفصابط — وده دخله ايه فى الموضوع ..
 عبد العال — يعنى المدفونين هنا الناس اللى حاربوا ..
 الفصابط — دول كمان حاربوا ..
 عبد العال — مش كلهم ..
 الفصابط — يعنى عاوز ايه دلوقت
 عبد العال — لا يمكن دول يندفنوا معانا ..
 (اثناء الحديث يخرج عدد من اليتيم لابسين الاكفنة
 البيضاء وينضمون للميت الذى يتحدث .. الفصابط
 يضطرب ويشعر الى الجنود ان ينتظروا)

— ستار —

اللوحة الخامسة

المنظر :

(مقهى فى وسط القاهرة .. مجموعة من الكتاب والادباء
حول احدى الموائد بالمقهى فريد وعصام ومحمود وصبحى)

فريد - انا واثق يا جماعة مش اشاعة دى حقيقة
وما اقدرش اقول لكم انا عرفت منين انما دى
حقيقة ..

عصام - دى حاجة أشبه بالخيال .. زى الروايات
بالظبط .. قصة درامية خيالية ..

محمود - انا مش مؤمن بالفيبيات بتاعتكم دى ..
يا جماعة فوقوا بقى ازاي ناس مثقفين زبكم
يصدقوا قصة خرافية زى دى ..
- بيقول لك حصل ..

محمود - حتى لو كان حصل انا لا يمكن اناقش مسائل
خرافية .. كفاية بقى وبتقولوا الدولة العصرية
وتكنولوجيا كمان ..

فريد - اذا كان حصل تقول ايه ..

محمود - حصل فى رواية كاتبها كاتب امريكاني اسمه
اروين شو ..

فريد - قريناها وشوفناها كمان ع المسرح اسمها ثورة
الموتى ..

صبيحي - وكان أروين شو خد الفكرة من كاتب نمساوي اسمه هانز شلوبيرج اسمها معجزة في فردوم ..
انما دا حصل في الواقع واذا ماكنتش مصدق قوم روح لحد المدافن شوف بنفسك ..

محمود - فيه هناك حصار ..
فريد - وفيه قرار بحظر نشر أنا قريته بنفسى في الجريدة ..

محمود - وقال ايه القرار ..
فريد - قال ان ممنوع نشر أى شىء حدث في مدافن الامام ..

محمود - قال ايه الى حدث .. يمكن عصابة مخدرات او خناقة كبيرة شويه او قضية جاسوسية او اى حاجة ..

فريد - أنا باقول لكم أنا واللق ..
محمود - انت حر انما أنا واثق ان دا ماحصلش واذا حتى كان حصل يبقى تخريف ناس عاوزين يودونا في داهية ..

عصام - كفاية يلهو الناس بحاجة زى دى ..
مفيش كاتب ياخذ الموضوع ده ويحطه في قصة او مسرحية ..

محمود - قصة او مسرحية فكرك الرقابة توافق على حاجة زى دى ؟

عصام - ليه لا ..
فريد - احنا قاعدين نقول الرقابة الرقابة حد كتب حاجه والرقابة قالت لا ..

- محمود - انت بتسألنى طب قوم اكتب الحكاية دى كده
ونشوف ..
- محمود - اكتبها ازاي اذا كت مش مقتنع بيها ..
- فريد - خليك مش مقتنع بحاجة ابدا ..
- محمود - مش كفاية حكاية الزيتون ضحكت علينا
العالم ..
- صبحى - اهى البلدية خدت لها قرشين ٥٠
- عصام - وحكاية الزيتون فيه ناس مثقفين زى حضرتك
اكدوا انهم شافوها بنفسهم ..
- محمود - مفيش فايده فيكم ابدا ..
- فريد - والله انت اللي مفيش فايده فيك ..
- (يدخل الاستاذ عبد الجليل ويحييم ويجلس)
- عبد الجليل - سلامو عليكم ..
- الجميع - عليكم السلام ورحمة الله وبركاته ..
- عبد الجليل - سمعتوا الحكاية
- عصام - سمعنا ..
- عبد الجليل - طب اسمعوا دى وقولولى رأيكم بصراحة ..
- محمود - اوعى تكون قصيدة ..
- عبد الجليل - (بفضب)
- حتكون ايه يعنى . وصفة بلدى ..
- محمود - انا قايم ..
- عبد الجليل - فى ستين داهيه دا حتى امثالك لا يجب انهم
يسمعوا الحاجات دى ..
- محمود - طب مائلخبطش قول ..
- عبد الجليل - (يطبق الورقة)

اقول ايه ما سديت نفسى

- طب قول ما تزعلش ..

- اطلبولى واحد شاي ..

- محمود يطلب لك هو اللى عكر دمك ..

- ولا تزعل قول بقى ..

(يصق)

(يحضر الجرسون)

- واحد شاي للأستاذ عبد الجليل على حسابى ..

(يدخل الجرسون)

- كثرى ...

- قول بقى سمعنا ..

- (يعيد فتح الورقة ويقرأ)

رفضوا المات لأنهم احياء

والارض ارض والسماء سماء

هجروا المقابر والحياة عزيزة

لا سيما اذ انهم اشهداء

قاموا من الارض الخراب وحلقوا

فوق الرؤس كأنهم عنقله

بدلوا الحياة رخيصة فوق الثرى

وتبعثرت اجسادهم اشلاء

فاليوم ان هبوا وقاموا قومة

فالقصد اذار لنا ونداء

- دا بقى اللى جادت به القريحة

- قصدك ايه .. والا مش عاجبك الشعر الطليدى

عصام

عبد الجليل

فريد

محمود

محمود

عبد الجليل

فريد

عبد الجليل

محمود

عبد الجليل

- عصام
عبد الجليل
فريد
صبحي
محمود
فريد
- هایل یا استاذ عبد الجلیل ..
– قول للاستاذ ..
– انما تقدیرکم للموقف ایه ..
– انا متصور ان المسألة اعمق من كده بكتیر ..
– عنها .. انا عاوز تفسیر علمی ..
– والله مش شغلنا ومن ناحية العلم برضه مش
كل حاجه قدر يحلها العلم ..
- عصام
محمود
- وعلى ایه .. یا اخى فيه التلبائی وفيه حاجات
كثیر برضه العلم قدر یوصل لها ..
– تلبائی یعنی واحد یسمع صوت واحد تانى
بعید عنه ..
– مش كده .. دا تصور ممكن یحصل ..
– یعنی قصدك الناس ماشافوهمش تصوروهم ..
– انا رافض الموضوع اصلا .. وبكره تطلع المسألة
اشاعة مفرضة ..
– والفرض منها ایه ..
– موضوع الناس تتكلم فيه شوية وخلاص ..
– مش واضحة الحكایة دى ..
– ع الموم احنا نقدر نروح هناك نشوف بنفسنا.
- صبحي
محمود
فريد

– مستار –

اللوحة السادسة

المنظر :

(مقابر الامام .. مامور القسم وبعض الضباط من حوله
يقفون بين مجموعتين من الاموات .. الى اليمين الجنود
الخمسة والى اليسار خمسة من اليتيم يرتدون الاكفان
البيضاء)

المامور

- يا جماعة احنا كلنا اخوات ولازم نساع بعض
الترب واسعة والحمد لله ليه حنخلق احنا
المشاكل بس ..

عبد العال

- المسألة مش مسألة اماكن مسألة مبدا ونظام
وحضرتك اظن اول من يطبق النظام ..

المامور

- طبعا وعشان كده بقول لازم المشكلة دى تنتهى
فورا ..

عبد العال

- تنتهى ازاي ؟

المامور

- انكم تسمحوا للاخوان ..

(ويشير الى الجنود)

انهم يندفنوا معاكم ..

عبد العال

- دى لا يمكن ابدا .. المنطقة دى مخصصة لى
ماتوا فى الحرب انا وزملائى دول ..

(يشير الى زملائه)

حاربنا فى فلسطين سنة ١٩٤٨ واصبنا هناك
ومتنا هنا فى المستشفى واندفنا هنا يعنى
ببساطة الترب دى مخصصة للمحاربين ودول
ما حاربوش فيندفنوا معنا ازاي ..

الأمور

- أولا دول اخوانكم في الجيش وماتوا في سبيل فلسطين وانتوا كمان متوا في سبيل فلسطين ..
- يبقى العقل كده يقول انهم يندفونوا معاكم ..
- اذا كانوا محاربوش يندفونوا معنا ازاى ..
- احنا كنا مستعدين نحارب وهما قالوا انسحبوا
- المهم النتيجة .. النتيجة انكم انسحبتم من غير ما تحاربوا يبقى تعتبروا نفسكم حاربتم ليه ..
- اذا كانت العبرة بالنتيجة فانتم ايه كانت نتيجة حربكم ..

عبد العال

عبد الغفار

عبد العال

عبد الغفار

- احنا كنا على ابواب تل ابيب ..
- ومادخلتوهاش ليه ؟
- جت لنا اوامر الهدنة وماتنساش كمان السلاح الفاسد

عبد العال

عبد الغفار

عبد العال

- اهي اوامر الهدنة زى اوامر الانسحاب والسلاح الفاسد زى القيادة العسكرية الفاسدة .. دى زى دى ..

عبد الغفار

الأمور

- دا كلام منطقي جدا الوضع واحد وعشان كده لازم تكونوا مع بعض يا اخوان اتفضلوا ..
- يتفضلوا ايه .. لا يمكن .. دى زى دى ..
- شوف اسمع انا باتكلم لحد دلوقت بالعقل ..
- انما انا عندي اوامر انهي الموضوع ده ولو باستخدام القوة ..

عبد العال

الأمور

- القوة مع مين .. مع ناس ماتوا من عشرين سنة (لنفسه)

عبد العال

الأمور

- على رايتك حتعمل ايه القوة في ناس ماتوا وشبعوا موت كمان

(ينظر اليهم)

- طوب الحل ايه فى نظركم ..
- عبد العال - الحل اذكوا تشوفوا مكان تانى لاختوانا دول غير
الترب بتاعتنا احنا ..
- الامور - طوب خليفهم يندفونوا معاكم مؤقتا لغاية مانشوف
مكان تانى ..
- عبد الفغار - احنا لو كنا عارفين كده ماكناش جينا من هنالك
.. انما دلوقت المسألة مسألة كرامة .. احنا
لا يمكن نندفن هنا مع دول ..
- الامور - يا سيد بلاش تعقيد للمسائل احنا حنوصل
لحل بس بالهداوة
- (يدخل الحكمدار ومعه سكرتير اللجنة .. ينف الامور
ويقابله محيا .. يتقدم الحكمدار)
- الحكمدار - هيه .. ازاي الحال ..
- الامور - سوء تفاهم بسيط .. انا كت لسه باقول
للاختوان المسألة مش عاوزه كل النزاع ده ..
- الحكمدار - (يتقدم ويواجه الفريقين ويتحدث كأنه يخطب)
اختوانى .. فى الواقع انا مضطر اناشد
وطنيتكم ان تحلوا هذه المشكلة فورا .. انتوا
عارفين الظروف اللى بتمر بيها البلد واعتقد
انكم جميعا توافقونى على أن من واجبنا انسا
نحقق الهدوء عشان العمل الجدى اللى بيتم
ياخد طريقه .. احنا مقدرين تضحيتم العظيمة
مقدرين تضحية اختوانا اللى استشهدوا فى سنة
سبعة وستين واذا كنا احنا فى الحياة والحياة
مطالبها صعبة زى ما انتوا عارفين قدرنا نساع
بعض فواجب عليكم فى العالم الآخر انكم تساعوا

بعض .. أنا باديكم فرصة تثبتوا فيها من جديد
ان وطنيتكم واخلاصكم اللى تجلى فى المصارك
لسه موجود بل زادته الايام قوة وصلابة ..
(بعض المصارك يهمون بالتصليق فيزغر لهم الحكمدار
فيكفون)

عبد المال

- احنا مقدرين مشاعركم ولكن اظن سيادة
الحكمدار معنا فى ان من حقنا على الأقل نختار
المكان اللى نندفن فيه انتوا دفتنونا هنا واحنا
ما اعتراضاش كمان دلوقت عاوزين تحطوا معنا
ناس تانيين ..

(السكرتير يهمس فى اذن الحكمدار)

الحكمدار

- يسعدنى ان اقدم لحضراتكم الاستاذ شريف
متولى السكرتير عاوز يقول لحضراتكم كلمة ..

(يتقدم شريف ويخرج من جيبه ورقة يقرأ منها)

شريف

- اخوانى الاموات الاحرار .. انه يسعدنى فى هذه
اللحظات الحاسمة فى حياة امتنا ان اقف بينكم
لاعبر عما يجيش فى القواد من عواطف مخلصة
ومشاعر عميقة وما احمله لكم من تحيات الاهل
والاخوان فى العالم السفلى عالم الدنيا .. عالم
الشروع اليكم انتم يا اهل الخلود والبقاء .. ان
معركتنا يا ايها السادة تستوجب منا جميعا ان
نقف يدا واحدة وقلبا واحدا كالبنيان المرصوص
او كالجسم اذا ما اشتكى عضو منه تداعى له
سائر الاعضاء بالسهر والحمى . اخوانى احرار
الاموات .. لقد دفننى الى موقفى هذا شعورى

بان الذى يجرى الآن فى هذه البقعة العزيزة من
ارض الوطن لابد ان يستفيد منها الأعداء ، ان
جبهتنا الداخلية فى حاجة الى التماسك والترابط
ولا شك انكم جزء هام من جبهتنا الداخلية ..
بل انتم جبهتنا الداخلية الاولى لاننا لا يمكن ان
ننساكم . اننا نقدمكم حتى على انفسنا ونذكركم
ونناشدكم ان تكونوا عند حسن ظن الشعب بكم
فتقبلوا طواعية ان تكونوا فى القبر اخوانا

انسا يا حضرات الاموات نعانى من أزمة
المساكن .. نحن سكان الغاية فلا عجب ان
انتم اشتكيتم أيضا من أزمة المقابر .. بل ان
شكواكم هذه دليل انكم تعيشون معنا حتى فى
مشاكلنا . قضايانا هي قضاياكم . ومشاكلنا هي
نفس مشاكلكم .. واذا كنا قد استطعنا ان نحل
أزمة المساكن فى العالم الفانى . وذلك باتاحة
الفرصة للقطاع الخاص بالدخول فى ميدان البناء
حلا للآزمة . فانى اعاهدكم ان اتقدم من اليوم
باقترح لكى يساهم القطاع الخاص فى حل
مشاكل الاسكان فى الدار الباقية . وانا واثق ان
هذا سوف يتيح لكم حلا للآزمة الخائفة فيجتمع
كل منكم بقبيره دون شريك . ولكن حتى يتحقق
ذلك ارجو ان تبادروا انتم وانا اعاهدكم بصدق
ان تحلوا المشكلة حلا مؤقتا حتى يمكن ان تحل
المشكلة من جذورها وحسم الداء خير من
علاجه ..

(يطبق الورقة ويشير بيده اشارة واضحة فيدخل الى

السرح اربعة من العمال يعمل كل اثنين منهما كرونة ورد

كبيرة جدا يتقدم العمال من الخطيب فيساعدهم ويفسح

واحدة عند المدام اموات سنة ١٨ والثانية عند اموات ٦٧)

- تقبلوا هذه الزهور المتأخرة تحية منا اليكم في

هذا اليوم العظيم ..

- احنا متشكرين على هذه المشاعر ولكننا برضه

آسفين .. المسألة يا استاذ شريف مسألة مبدأ

واظنك ماترضاش بعد ما متنا في سبيل المبدأ

نيجي دلوقت ونراجع ..

- انتوا دلوقت في مواجهة مشكلة اخوانكم ..

- معلى .. اخوانا برضه تشوفوا لهم حنة تانية

.. كل واحد يروح يندفن في بلده ..

- فكرة ..

(يتقدم من الجنود الخمسة)

حضرتك منين ؟

- من منوف ..

- وحضرتك ..

- من البحيرة ..

- وحضرتك ..

- من اسكندرية ..

- وحضرتك ..

- من الفيوم ..

- وحضرتك ..

- من طره ..

- (للحكمدار)

انا اقترح ان احنا نرحلهم الى بلادهم ..

شريف

عبد المال

شريف

عبد المال

شريف

عبد الغفار

شريف

محروس .

شريف

خميس

شريف

شوقي

شريف

رمضان

شريف

الحكماء شريف

- نرحلهم ازاى ..
- الهجرة للقاهرة زادت جدا والمدينة مكتظة
بالسكان وواجبنا اننا نرحلهم على بلادهم لازم
كمان يكون فيه قانون ان كل واحد يتولد
ويعيش ويندفن فى بلده ..
هى القاهرة حتلاقىها منين ولا منين ..

الحكماء شريف

- على راي سيادتك المسألة عاوزه حل فعلا ..
- عاوزه حل ذاتى .. الطول الذاتية مفيش اعظم
منها احنا كان عندنا فى الشارع الوسطانى فى
الحى حفرة كانت العربيات تدوس عليها السوستة
تنكسر او تتاكل وتقدر حضرتك تقدر كان قد
ايه من اقتصاد البلد بيروح هدر عشان الحفرة
دى .. انا حسبته بالورقة والقلم ولقيت انه
كان بيعمر على الحفرة دى فى اليوم حوالى الف
عربية ودا رقم متوضع جدا ونصهم بس
السوستة بتاعتها بتنكسر والنص التانى بتتشرخ
او تتأثر بس يعنى معنى كده انه بيضيع فى اليوم
الواحد خمسمية وخمسة وسبعين سوستة فى
عشرة جنيه السوستة بس يبقى بيضيع فى اليوم
خمستلاف سبعمية وخمسين جنيه .. يعنى
بيضيع فى السنة ميتين واربعة آلاف ومائة
خمسة وعشرين جنيه عطلة صعبة يعنى مصنع
صغير .. مصنع بنفقده فى السنة عشان حنة
حفرة صغيرة دا غير الوقود اللى بتستهلكه
العربات لما تضطر تنقل من التالت للتانى او

للاول بعد الحفرة ما بتعوق سيرها وده برضه
لا يقدر بشمن .. النقلة الواحدة تكلف الشيء
الفلانى وخصوصا اذا كانت العربية بتاعة
حضرتك كبيرة .. تصور سيادتك انا لا يمكن
اركب العربيات الكبيرة لانها بتستهلك وقود كثير
وكمان بتاخذ مطرح كبير فى الركن واحنا لازم
نكون حريصين على انتاج البلد واقتصاديات
البلد والعربيات الصغيرة ممتازة جدا وعملية انا
ارتحت قوى فى النصر ما عجبتيش الفواكس
وكمان النصر صناعة محلية ومفيش داعى نركب
عربيات من الخارج عشان نحافظ على العملة
الصعبة .. فتك فى الكلام انا لما لقيت الحفرة
الى فى شارعنا بتضيق ٢٠٤١٢٥ جنيه
قلت دا عشرين ثلاثين حفرة من دول يضيعوا
دخل السد العالى كله قمت على طول وجمعت
اهالى الحى وقلت لهم لابد من الحلول الذاتية
وحياتك فى ساعة واحدة .. لاجل اليمين ساعة
وربع كانت الحفرة اتردمت واتقلدنا اقتصاد البلد
.. طبعا جالى جواب شكر وقرروا تعميم
الحلول الذاتية فى كل مكان ..

(يتجه الى الاموات)

الحلول الذاتية يا حضرات ..

(يدخل احد الضباط ويعبى الحكماء ويقف)

— الصحفيين عاوزين يقابلوا السادة الاموات ..

— صحفيين ايه بس ..

الضابط

الحكماء

- وده وقته .. فيه حظر نشر ..
- قلنا لهم قالوا احنا بنجهز نفسنا وأول ما القرار
يتلفي ننشر على طول ..
- (متدخلا)
- شريف
- انا رايي تسمح لهم سيادتك احسن . دول
يعنى .. والا ايه
- على رايك احسن ما نقرا بكره عشر مقالات عن
اختلال الامن ..
- (للضابط)
- خليهم يجوا ..
- مفيش داعي تتكلم قدامهم عن حل المشكلة ..
- برضه احسن ..
- الحكمدار
- (يعود الضابط وهو يقود عددا من الصحفيين والمصورين
ومندوبة للاذاعة واخرى للتليفزيون وكذا مصور يعمل
كاميرا للسينما يصلون ويبدأ المصورون في التصوير ..
« أحد الصحفيين تسير بجواره نجمة سينمائية مشهورة »)
- احنا بنرحب بالسادة الصحفيين ونرجو ألا
يطيلوا فالأخوان حالتهم الصحية مش حسنة
تماما وخصوصا بعد المشوار الطويل اللى قطعوه
من سينا لحد هنا ..
- دا علاوة على انهم ميتين زى ما حضراتكم عارفين
من سنة ونص ..
- كام سؤال صغيرين خالص ..
- الجماعة دول من سنة ٦٧ ودول من سنة ٤٨
تحبوا تسالوا مين الاول ..
- الحكمدار
- السكرتير
- صحفى

- طبعاً بتوع سنة ٦٧ اخوانا دول لا مؤاخذه
يا جماعة بقوا تاريخ خلاص ..
- (الصحفيون يتجهون الى الجنود الخمسة ويعيطون
بهم ويبعدون في الاسئلة واثاء ذلك عمليات التصوير على
اشعها) ..
- ايه شعور حضراتكم لما رجعتوا للحياة ..
- مفيش حاجة ..
- ايه الدافع اللي خلاكم تقوموا وتيجوا هنا ..
- عشان نندفن في بلدنا ..
- طب ما سينا بلدنا
- ايوه ما احنا عارفين اصل الحكاية طولت قوى ..
- ايه رايبكم في القاهرة بعد ما غبتوا عنها المدة دي؟
- ما شفناهش
- بتشوفوا برامج التلفزيون ..
- لا ..
- انما فيه تقدم مش كده
- ما نعرفش ..
- ايه امنية حضراتكم اللي تحبوا اننا نحققها لكم ..
- انتوا عارفين ..
- تحبوا توجهوا عن طريق الاذاعة كلمة للشعب ..
- قولو لهم احنا قلقنا ..
- تحبوا تسمعوا ايه من الاغاني ...
- اغاني ؟
- ايوه من الاغاني ..
- عاوزين نسمع سبع سواقى بتنمى لم طفولي
نار ..

صحفى

صحفى

عبد الفغار

صحفى

عبد الفغار

صحفى

عبد الفغار

صحفى

عبد الفغار

صحفى

عبد الفغار

صحفى

عبد الفغار

صحفى

عبد الفغار

مذيعة

عبد الفغار

مذيعة

عبد الفغار

مذيعة

عبد الفغار

- مذيعة
عبد الغفار
- قصدك الأغنية بتاعة الأستاذ عبد الوهاب ..
— لا مش كلها الكلمة دى بس .. سبع سواقى
بتنمى لم طفولى نار ..
- (يتقدم الصحفي الذى يقف بجوار المثلة ويدفعها في
مواجهة الجنود)
- الصحفى
- طبعا حضراتكم عارفين النجمة السينمائية
الفنانة دعاء ..
- عبد الغفار
الصحفى
- لا ...
— معلش .. الفنانة دعاء اول ما سمعت عن
حكايتم قررت انها تنتج فيلم عنكم وعن الحكاية
بتاعتكم دى وهى يسعدھا انها تأخذ شوية صور
معاكم عشان تسافر بكره تبيع الفيلم في بيروت
.. عندكو مانع ..
- (لا ينتظر جوابا بل يدفع دعاء ليوقفها في وسطهم ..
ويقف بجوارھا هو الآخر .. تبعا الكاميرات في التصوير ..)
- دعاء
- انا سعيدة خالص ..
- (تخرج دعاء وتقف بجوار الصحفي وتهمس في اذنه)
- دعاء
الصحفى
- ريحتهم وحشة قوى ..
— مش دلوقت .. مش دلوقت ..
- (الحكمدار والسكرتير اللذان كانا يظنان بعيدا يقبلان)
- الحكمدار
الصحفى
- اظن كفايه كده ..
— احنا ما صورناش حضرتك معاهم ..
- الحكمدار
- مفيش داعى .. انا اكره الدعاية الشخصية
جدا ..

- الصحنى** - مش معقول ..
- (الحكماء يتقدم هو والسكران ويفان بين الجنود)
- صحنى** - وتشور الكاميرات
- الحكماء** - متشكرين قوى ..
- شريف** - مع السلامة ..
- صحنى** - احنا تشرفنا بمقدم صاحبة الجلالة الصحافة ..
- صحنى** - دا واجب . احنا صحافة الشعب ودائما فى خدمة الشعب ..
- (يسر الصحفيون بعيدا)
- الحكماء** - والعمل دلوقت ...
- شريف** - زى ما قلت لحضرتك مفيش غير الحل الذاتى .
- الحكماء** - ايوه ما انا عارف انما ازاي ..
- (يتقدم الميت)
- عبد العال** - انا مع الأستاذ شريف .. احنا مستعدين نحل المسألة حل ذاتى بس بشرط ..
- الحكماء** - ايه هوه ...
- عبد العال** - سيبونا لوحدنا شوية ..
- الحكماء** - نسيبكم لوحدكم ازاي ..
- عبد العال** - ادونا فرصة احنا الاموات نحل مشاكلنا حل ذاتى ..
- شريف** - مفيش مانع نقف احنا بعيد واتصرفوا انتم ..
- عبد العال** - بعيد خالص وحضراتكم وكل الاحياء ..
- الحكماء** - والحراسة ...
- شريف** - معلش من بعيد برضه ..
- (الحكماء يتقدم من الجنود الغصة)
- الحكماء** - رايبكم كده برضه ...

عيد الففار - سبع سواقى بتنعى لم طفولى نار سبع سواقى
بتنعى لم طفولى نار . . .

(عيد الففار يردد هذا المقطع والحكماء والسكرتير
والأمور والضياف والجنود ينسحبون وهو يردد المقطع
وثناء ترديده ينزل الستار)

- مستار -

اللوحة السابعة

المنظر :

(ساحة بقرية غرين .. حلقة من الفلاحين تتوسطها
مديعة الاذاعة تمسك بيدها المايهاك وعلى الارض جهاز
التسجيل واحد المهندسين يمسك به امام المديعة .. تقف
سيدة كبيرة السن وبجوارها العمدة ..)

- آدى أم عبد الغفار يا ست هانم ..
- مرسيه قوى يا عمدة .. انتى يا ست حضرتك
أم عبد الغفار
- أيوه ..
- (تقرب من فمها المايهاك وتحدث)

العمدة

المديعة

السيعة

المديعة

سيدانى وسادتى .. حلقة جديدة من برنامج
على الطبيعة نحن نتحدث اليكم الآن من قرية
غرين مركز منوف محافظة المنوفية ومعنا الآن
والدة الشهيد عبد الغفار السيد ..
حضرتك أم المرحوم عبد الغفار ..

(تقرب المايهاك من فم السيعة)

- أيوه أنا أم عبد الغفار ..
- (تقرب المايهاك من فمها)
- وايه شعور حضرتك لما سمعتى ان المرحوم
عبد الغفار رجع للحياة ..

السيعة

المديعة

(تقرب المايهاك من فم السيعة)

- عبد الغفار مش مرحوم ..

السيعة

المذبة

عبد الغفار ماماتش ..

- (تقرب المايهاك من فمها)

- ان السيدة الفلاحة البسيطة تأبى ان تعترف ان
ابنها قد مات لانه سيداتى وساداتى الشهداء
لا يموتون « بل احياء عند ربهم يرزقون » ..
صدق الله العظيم ..

ايه شعور حضرتك لما سمعتى ان ابك
عبد الغفار رجع للحياة ..

(تقرب المايهاك من فم السيدة)

السيدة

- لما قالولى عبد الغفار مات انا ماصدقتش عشان
انا حاسة م الاول انه ع الدنيا وكنت كل ليلة
باشوقه فى المنام .

المذبة

- (تقرب المايهاك من فمها)

ايوه انما اللى ثابت انه توفى الى رحمة الله
منذ سنة ونص .

(تقرب المايهاك من فم السيدة)

السيدة

- لا .. هو كان غايب بس .. واهو رجع اهوه ..

المذبة

- (تقرب المايهاك من فمها)

- ازاي يا ام عبد الغفار ابك توفى الى رحمة
الله ..

(تقرب المايهاك من فم السيدة ..)

السيدة

- لا يا بنتى .. ابنى ماماتش ..

(المذبة تدوس ذرا فى المايهاك وتسقطه بيها وتتحدث

فى عصية)

- المذبة - انت راسك ناشفة قوى يا أم عبد الفغار ..
لازم يكون ابنك مات ..
- السيدة - ليه بس انتى بتقولى عليه ..
الله يسامحك يا بنتى ..
- المذبة - ماهو لازم يكون مات من سنة ونص عشان لما
يصحى دلوقت يبقى له مفاجأة ..
- السيدة - مفاجأة ايه يا بنتى .. الشر بره وبعيد ..
- المذبة - امال اذا كان ماماتش يبقى ايه الغريب فى
الموضوع .. يبقى احنا بنعمل الحديث ده
ليه ..
- السيدة - انا عارفه يا بنتى ..
- المذبة - (للعمدة)
اتصرف بقى معاها .. جهل فظيع ..
- العمدة - (ضاحكا)
يا ست هانم ما تاخدش على كلامها ..
اصلها عدم المؤاخذة كبيرة فى السن ..
- المذبة - (بانفعال تقرب المايهاك من قمها وتحدث
وحدها)
الست مندهشة جدا وتقول كلام كتير خالص
وانا دلوقت حاسألها عن حياتها فى هذه القرية
الهائلة ..
- يا أم عبد الفغار ..
- (تقرب المايهاك من قم السيدة)
- السيدة - أبوه يا بنتى ..
- المذبة - (تقرب المايهاك من قمها)

انتى سعيدة بحياتك فى القرية ..

(تقرب المايهالك من فم السيدة)

- الحمد لله يا بنتى ..

السيدة

- (تقرب المايهالك من فمها)

المذيعة

السيدة ام عبد الفغار سعيدة فى كفاحها من
اجل زيادة الانتاج وهى بتعمل بالحقل اتناشر
ساعة فى اليوم ..

بتحبى الزراعة والعمل فى الحقل ..

(وتقرب المايهالك من فم السيدة)

- الحمد لله مستورة .. اطلع الزراعة. ليه الناس
برضه بتحن عليه وبتساعدنى ..

السيدة

- (تقرب المايهالك من فمها)

المذيعة

السيدة الريفية البسيطة تشيد بمساعدة
الجهات الرسمية لها وهذا ايها السادة هو
التطور الذى دخل على حياة الفلاح فى بلدنا ..
فبعد ان كانت المصالح الحكومية حربا على
الفلاح اصبحت فى خدمة الفلاح ..
ام عبد الفغار .. تحبى تقولى حاجه ثانية ..

(تقرب المايهالك من فم السيدة)

- كتر خيرك يا بنتى ..

السيدة

- (تقرب المايهالك من فمها)

المذيعة

ودلوقت احب اسالك تحبى تسمى ايه ..

- اسمع ..

السيدة

- (متدخلا)

العمدة

ماهياش فاهمة ياست هانم
اختارى انتى حاجه لها ..

— (تقرب المايهاك من فمها) —

الذبيحة

ولما سألت الست أم عبد الفغار تحب تسمى
ايه دموعها سالت على خدها وقالت بصوت
ضعيف كله حب وحنان وعاطفة جياشة ..
احب اسمع أغنية ما احلاها عيشة الفلاح ..
والأغنية دى بتصور تصوير دقيق انحياة
الهادئة اللطيفة اللى عايشاها الست أم
عبد الفغار والفلاحين وبتقول ما احلاها عيشة
الفلاح مطمئن قلبه مرتاح يتمرغ على أرض براح
والخيمة الزرقه ساتراه ..

— ستار —

اللوحة الثامنة

المنظر :

(نفس المكان من مقابر الإمام ولكنه تحول الى هيئة محكمة في الهواء الطلق .. في المواجهة منصة عالية كمنصات القضاء امامها ثلاثة مقاعد وامام المنصة ذلك في شكل مقاعد .. المكان مزدحم جميعه بالاموات الذين يرتدون الاكفان البيضاء .. زاد عددهم جدا .. يلوح بينهم الميت الذي عارض في دفن الجنود الخمسة مع المحاربين .. الجنود الخمسة يجلسون على احد الدكك في نهاية القاعة .. الجميع في حلقات والحديث يدور بينهم في حماس .. وفجأة يقف الميت على دكة ويوجه الحديث للجميع)

- في الحقيقة يا اخوان يبدو أن القضية تتطور تطورا هاما خطيرا .. لقد بدأت نزاع بيننا نحن شهداء حرب ١٩٤٨ وبين اخواننا الذين قتلوا في سنة ١٩٦٧ وكان المفروض أن نجتمع نحن وهم ونناقش المسألة فيما بيننا ونصل فيها الى حل ولكن يبدو أن الخبر قد انتشر بسرعة وخاصة بين اخواننا من الاموات وقد وصلت الآن الى مكان اجتماعنا وفود كثيرة من مختلف انحاء البلاد ومن مراحل تاريخية مختلفة .. لقد اراد الجميع أن يشاركونا حل هذه القضية التي ارقتنا جميعا ونحن ازاء هذه الظروف لا نملك أن نمنع أحدا من المشاركة في البحث عن

عبد العال

حل ولكننا امام فترة زمنية بسيطة تستوجب منا الاختصار والتركيز الشديدين حتى نصل الى حل قبل شروق الشمس لذلك فانا اقترح ان نختار الآن فوراً هيئة المحكمة من رئيس وعضوين وان يبدأوا فوراً في طرح القضية بسماع وجهات النظر المختلفة للوصول الى الحكم العادل .

والآن انا ادعو حضراتكم لكي يتقدم من يرى نفسه اهلاً لمنصب القضاء ان يتقدم بترشيح نفسه ..

- انا اقترح ان يكون القضاة من المحايدين . .
- يعنى لامنكم ولا منهم ..
- وانا اوافق على هذا الراى ..

ميت

عبد العال

(يتقدم احد الاموات ويرتقى دكة ويتحدث)

- انا اارشح نفسى لهيئة القضاة ..
- تسمح تقدم نفسك ..
- انا ابراهيم ناصف الوردانى قتلت رئيس الوزراء بطرس غالى لانه حاول مد امتياز قناة السويس وحكم على بالاعدام ..

الوردانى

عبد العال

الوردانى

واعدمت في سنة ١٩٢١ .. وانا اعتقد وقد ضحيت بحياتى في سبيل قناة السويس اتى قريب من المشكلة اليوم .. لذلك فانا اارشح نفسى كواحد من القضاة ..

- نعم .. لا .. نعم .. لا
- انا لا اوافق نقضيتنا نزاع بين طائفتين فقدت

اصوات

ميت

حياتها في الحرب .. وسيادتك فقدت حياتك
بحكم من احدى المحاكم لذلك فانت بعيد كل
البعد عن هذه القضية ..

الورداني

- أنا ارى العكس على خط مستقيم .. فالعبرة
ليست بالطريقة التي فقد بها الانسان حياته
بل بالسبب الذي من أجله فقد الانسان
حياته ..

ميت

- اذا كان الأمر كذلك فليست هناك قضية على
الاطلاق فالذين ماتوا في سينا سنة ١٨٠٠ والذين
قتلوا هناك سنة ١٩٦٧ قتلوا من أجل سبب
واحد .. إذن لا قضية ولا يحزنون ..
(يخرج من بين الاموات شيخ يقف ويتحدث)

الخلبي

- ان الزميل الورداني قتل مصريا يتعاون مع
الاستعمار اما أنا فقتلت استعماريًا واضحا بل
هو قائد الاستعمار نفسه فانا ارى نفسى اجدر
بمقعد القضاة من ابراهيم ناصف الورداني .
- حضرتك مين ؟

ميت

الخلبي

- أنا سليمان الخلبي قاتل كليبر رأس الاستعمار
الفرنسى فى مصر ..
- نعم .. لا .. نعم .. لا

اصوات

(يصعد الى المنصة شيخ وقور يتحدث)

البشتيل

- لقد قتل كل منكما فردا مهما كانت قوة هذا
الفرد ومهما كانت سطوته اما أنا فقد شاركت
فى قتل جيش بأسره وأنا ارى فى نفسى ما يجعلنى
اهلا لمنصب القضاء فى هذه القضية ..

- ميت
البشتيل
- قدم نفسك ..
— أنا الحاج مصطفى البشتيل قاهر الفرنسيين
في بولاق واحد زعماء ثورة القاهرة الثانية ..
- اصوات
- نعم .. لا .. نعم .. لا

(يصعد المنصة ميت شاب)

- عبد الواحد
- الحاج مصطفى البشتيل صحيح قاد ثورة ضد
الفرنسيين في مصر ولكن الفرنسيين ماخرجوش
الا بعد كده بمدة طويلة اما انا فشاركنت في
هزيمة الصليبيين وفي أسر قائدهم لويس وانا
أحق بالكرسى من كل اللى سبقونى ..

- ميت
عبد الواحد
- قدم نفسك ..
— انا عبد الواحد عبد السلام فلاح من فارسكور
مديرية الدقهلية ..

(يتقدم احد الاموات ويرتقى المنصة)

- عدنان
- اخوانى اللى سبقونى اعادونا الى فترات بعيدة
من التاريخ انما انا اشتركت في مقاومة مسلحة
كان من نتيجتها خروج الاستعمار الانجليزى
سنة ١٩٥٦ ولذلك وتقرب صلتى بالحوادث
فانا ارشح نفسى لمقعد القضاء ..

- صوت
- عدنان
- قدم نفسك ..
— انا عدنان المدنى طالب .. استشهدت بين
كتائب مقاومة الاحتلال الانجليزى سنة ١٩٥٦
في منطقة القناة ..

- اصوات
- نعم .. لا .. نعم .. لا

- (يدخل الى القاعة شيخ مهيب الطلعة يرتدى الكفن
ويسير خلفه اثنان يرتديان الاكفان يشق الجمع وعند ما
يشاهده يطفى الاموات ترتفع اصواتهم)
— احمد عرابى .. عرابى .. باشا ..

صوت

اللوحه التاسعة

المنظر :

(على الطريق الموصوف الوصول الى مدافن الامام ..
الطريق مقطوع من الجانبين فلا مرور عليه .. يظهر بعيدا
عدد من عساكر الشرطة يحيطون بالقابر ويقف خلفهم
مجموعة كبيرة من الامالى يتحدثون ويشيرون الى المقابر من
بعيد في جانب من الطريق يقف الحكمدار والامور ومجموعة
من الضباط والسكرتير ..)

- وبعدين .. يعملوا ايه بس لحد دلوقت ..
- انا واثق بامسيادة الحكمدار اهم حيسنجبوا
لندائى ويحلوا مشكلتهم حل ذاتى ..
- انا ماقلتش حاجة بس عاوز اعرف بيعملوا ايه
قبل النهار ما بطلع ..
- سيادتك تتظمن في ظرف دقائق خنعرف كل
حاجة حصلت من ساعة ماسيناهم هناك ..
- خنعرف ازاي بس ..
- ماتحملش سيادتك هم انا عامل ترتيبى
كويس ..
- أهو جه أهو ..

الحكمدار

شريف

الحكمدار

الامور

الحكمدار

الامور

(ينظر الى الطريق ويقترب من ناحية المدافن رجل طويل
عريض يرتدى الكفن الابيض)

- ايه ده دا واحد منهم جاى لنا لازم وصلوا
لقرار ..
- (ضاحكا)

الحكمدار

الامور

دا ميش واحد منهم يا ائندم .. دا واحد
من رجالتنا ..

- الحكماء
الأمور
- ولايس .. آه ..
- (يضحك)
- طبعاً يا أفندم ميت زبهم بالظبط أنا اشتريت
له الكفن فى ربيع ساعة بالظبط ..
(يصل الخبير الذى يرتدى الكفن ويعبى)
- المخير
الحكماء
- تمام يا أفندم ..
- خير عملوا ايه ..
- عملوا محكمة ..
- محكمة .. محكمة ايه ..
- المخير
الحكماء
- محكمة عشان تفصل فى القضية بين الطرفين
المتنازعين .
- الحكماء
- وفيه قاضى ..
- ايوه قاضى كبير قوى ..
- والقاضى واحد ميت ؟
- المخير
الحكماء
- سعادة عرابى باشا يا أفندم ..
- مين .. عرابى باشا ..
- أحمد باشا عرابى يا أفندم ..
- وده ايه الذى جابه ..
- المخير
الحكماء
- دا فيه ناس كثير قوى من السادة الأموات
وصلوا يا أفندم باشاوات وباهوات وزبطة
كبيرة اوى يا أفندم ..
- اومى حد يكون خد باله منك ..
- الحكماء
- (متبسماً)
عيب يا أفندم دا انا كانى واحد منهم
بالظبوط ..
- المخير
- ماشافوكش وانت جالى على هنا ؟
- لا يا أفندم انا اتسجيت من غير مايشولونى ..
- الأمور
المخير

- الحكماء - طب ارجع دلوقت وكل خمس دقائق تيجي
تبلغنا ..
- الخبر - حاضر يا أفندم ..
- الحكماء (الخبر يحيى ويتعد ويتوقف عند ما يناديه الحكماء)
- تعالى هنا ..
- الحكماء (الخبر يعود ويحيى)
- ايه اللى انت لابسه فى رجلك ده ؟
- الحكماء (الخبر ينظر الى قميصه وكذلك الامور والفساط ..)
الخبر يرتدى حذاء المسافر الضخم)
- فيه ميت بيدفنوه بالجزمة الميرى ؟
الخبر (مضطرب)
نسيت اقلعها يا أفندم ..
- الحكماء (يبدأ فى خلعها)
- ويتقول ماحدث منهم خد باله والا افتكروك
ميت بالجزمة ..
- الخبر - حاضر يا أفندم ..
- الامور (الخبر يسلم العزاء لآحد زملائه ويحيى ويسرع مبتعدا)
- (مضطربا)
عينى ..
- (لآحد الفساط الذين يرتدون الملابس المنية)
ماالقيتش غير ده تبعته ..
- الفساط - انا كت فكره بيفهم ..
- الحكماء - انا حا ارواح ابلغ المعلومات دى بالتليفون ..
وارجع حالا ..
- الامور - اللاسلكى موجود فى العزبية ..
- شريف - وانا كمان لازم ابلغ ..
- (يستمر الحكماء والسكران وعظفهم عدد من الفساط)

بعد لعلات يسقط جموع الامالى على الصاكى فى الكرنوز
بينهم بعض النسوة)

امرأة - يا كبدى يا اولادى .. دول زمانهم يا عيني
مفرقرين من البرد ..

رجل - مفيش حد عنده انسانية يوديلهم شوية بطاطين ..
المرأة - ولا اكل .. تلاقهم يا ضنايا ماكلوش حاجة
والدنيا صيام ..

عسكرى - ابعدى ياست .. ابعد ياعم ..
الرجل - احنا واقفين اهوه .. احنا عملنا حاجة ..
عسكرى - طب اتم انه وهيه .. وشوفوا حالكم احسن .

(الرجل يتعد والمرأة تقترب عن العسكرى)

المرأة - والتبى يا شاويش ماتعرفش اساميه ..
العسكرى - اعرف منين وانا واقف معاكى اهوه ..
المرأة - اصل لى اسم التبى حارسك ولد راح منى

المرأة - يا ولده راح .. باقول يمكن يكون منهم ..
دا كان حنين قوى ..
العسكرى - ربنا يصبرك ياست ..
المرأة - (بين دموعها)

العسكرى - اشوفه بس .. اشوفه بعيني مرة واحدة .
العسكرى - ربنا يصبرك ياست ..

(المرأة تبدأ فى البكاء ويقتبل رجل يجذبها بعيدا ..
يقرب شابان يقف احدهما ويجذبه الآخر ويتحدثان)

الشاب ١ - طول بالك بس .. شايف ..

الشاب ٢ - يا جدد بطل كلام فارغ .. انت مصدق ..

الشاب ١ - قدامك اهم لابستين ابيض فى ابيض ..

الشاب ٢ - تلاقهم بيسموروا فيلم والا حلقات تليفزيون ..

الشاب ١ - بسموروا فيلم ايه بس والمخلوق بدى كلها ..

- الشاب ٢ - انت لسه بتسال ع الخلق دى كلها .. كفايه كلمة واحدة علشان تلمهم على طول ..
- الشاب ١ - والظباط والعاكر دى كلها ..
- الشاب ٢ - ماهم دول برضه يجيبوهم فى تصوير الافلام .
- الشاب ١ - بالكمية دى .. العدد دا كله ..
- الشاب ٢ - يمكن فيلم مشترك .. تعالى ..
- بالله بلاش كلام فارغ ..
- (يسيران ويقبل رجل يرتدى اللباس البلدية ومعه شيخ)
- الشيخ - دا انذار يامعلم انذار ..
- المعلم - انذار بابيه بس ..
- الشيخ - بالنهاية .. العالم كبرت . ربنا بعت انذار للناس .. دى بداية نهاية العالم يامعلم ..
- المعلم - ازاي بس .. هى الناس عملت ايه ..
- الشيخ - عملت ايه ؟ عملت كتير .. الفجور اللى فى كل حنة .. ترك الدين .. الدمم الخربة .. الكذب والسرقة والزنا . دى مش كلها جرائم نهى عنها الخالق سبحانه وتعالى ..
- المعلم - ايوه بس انذار يقوم جل جلاله يصحى عساكر مدفونين فى الصحرا ..
- الشيخ - يحىي العظام وهى رميم يامعلم .. انت حتكفر والا ايه ؟
- المعلم - اللهم لا اعتراض .. بس باقول لو كان انذار عشان الناس كبرت كان احيا (نبيا رسولا) ..
- الشيخ - وماهم العساكر يامعلم دا احياء دول بالذات من ارض سيناء له مغزى عظيم ..
- المعلم - ازاي ..
- الشيخ - مش دى طور سيناء حيث خاطب الله موسى عليه السلام ..

المعلم	١٧ - يا الله ما خدتش بالي ..
الشيخ	- باقولك انذار وبكره تشوف ..
المعلم	- (يقرأ الفاتحة بصوت مرتفع)
	(يسيران وتقبل سيدتان ترتديان ملابس فاخرة ومعهما شاب)
فتاة ١	- عشان تقول لاونكل اتنا شغناهم بنفسنا ..
الشباب	- مش حيصدقني ..
فتاة ٢	- ما احنا حاتقول ان احنا شغناهم معاك ..
الشباب	- مش حيصدق حيقول برضه دول عاملينها
	عشان يشغلوا الناس عن حاجات تانية ..
فتاة ١	- اتما صحيح احنا شغنا ايه ..
فتاة ٢	- ماقدامك اللى احنا شايفينه اهوه ..
فتاة ١	- انا مش شايفه غير العساكر دول ..
	(تشير الى العساكر)
	وناس بعيد اهم ..
فتاة ٢	- مش لابسين ابيض قدامك اهم ..
فتاة ١	- اتما ايش عرفنا انهم ميتين كانوا ميتين يعنى ؟
فتاة ٢	- انا عارفه بقى ..
الشباب	- يعنى حاتقولوا ايه لاونكل ..
فتاة ١	- حاتقول له اللى شغناه ..
فتاة ٢	- والنبي يظهر عنده حق اونكل وكلها لعبة ..
فتاة ١	- انا برضه باقول كده ..
الشباب	- هم لازم كده .. دا يبقى اونكل مخه كبير اوى ..
	فهمها وهو قاعد هناك فى البريتيه ..
فتاة ١	- ياللا نرجع بقى قبل البريتيه ما تخلص ويكون
	نام ..
الشباب	- يا الله بينا

(يخرجان ويقبل شابان. واضح انهما من العمال)

- الشباب ١ - أنا لو شفتهم يعرفهم
- الشباب ٢ - ازاي ..
- الشباب ١ - أنا حاربت في سينا ورجعت سليم ..
- الشباب ٢ - يعني شقت كل اللي ماتوا في سينا ..
- الشباب ١ - ما شفتهمش كلهم طبعاً باحس بيهم ازاي
ما تعرفش ..
- الشباب ٢ - تحس بيهم ..
- الشباب ١ - وحياتك ساعات اطلع الترمای أبص في وش
الواحد أحس على طول انه كان هناك .. أسأله
يطلع مضبوط ..
- الشباب ٢ - غريبه ..
- الشباب ١ - زى اللي يكون مكتوب على وشهم ..
- الشباب ٢ - أنا شخصياً ما أقدرش أميزهم عن أى حد
تاني ..
- الشباب ١ - أصلك ما كنتش هناك .. اللي راح عنك يقدر
يعرفهم ..
- الشباب ٢ - من بعيد ..
- الشباب ١ - هو اللي حصل دا شوية ..
- الشباب ٢ - ما حدش يقدر يقول كده ..

(يخرجان وتقبل نرجس ومعها زميلة لها)

نرجس - اهو أنا كت جايه من هنا هو ..

(وتشر بيدها)

- الزميلة - لوحذك ..
- نرجس - معنى ..
- الزميلة - وبعدين ..

- نرجس - وبعدن راح هاجم على وقال لى انا باحبك
ياترجس ..
- الزميلة - وعرف اسمك ازاي ..
- نرجس - انا عارفه .. دول مكشوف عنهم الحجاب ..
مش بسم الله الرحمن الرحيم عايشين فى
الآخرة ..
- الزميلة - وبعدن ..
- نرجس - انا شفته كده مبهدل ومتعور افكرته سوابق
.. انما قلت يابت ماتستعجلىش قلت له ممالك
فلوس ..
- الزميلة - هيه وبعدن ..
- نرجس - قال لى كل اللى تطليه .. بصيت لقيت وراه
اربعة من زمايله خفت جريت رحت للشاويش
رشوان وعم رشوان حاشوهم عنى .. يا عيني
يا شاويش رشوان ..
- الزميلة - هو جراه ايه ..
- نرجس - حطوه فى القميص وخدوه ع الخانكة ..
- الزميلة - وعم رشوان ..
- نرجس - من ساعتها قاعد فى الجامع يصلى ..
- الزميلة - وانتى سابوكى ..
- نرجس - حطيت سؤالى وسابونى طبعا .. آه يا نارى
لو كنا عرفناهم من الاول ..
- الزميلة - مالكىش بخت ..
- نرجس - قسم .. الواحدة حتاخد غير نصيبها ..
- (سيران ويقل الحكمدار وغلفه السكرتير والامور
والضباط)
- الحكمدار - ماجاش الخبر بتاعك ..
- الامور - زمانه جاي يا أفندم ..

لو اعرّف بـيعلموا ايه دلوقت ..	الحكماء
دلوقت نعرف ..	الأمور
بس قبل النهار ما يطلع ..	الحكماء
(ينظروا ساعته)	
اسمع .. أنا عندي فكره ..	
خير يا افندم ..	الأمور
نشوف لنا كفتين ونروح معاهم نشوف بنفسنا	الحكماء
ايه الحكاية	
(منزعجا)	الأمور
مفيش داعى يا افندم للمخاطره دى ..	
ثم ان سيادتك مش ملك نفسك .. انت ملك	
البلد كلها ..	
(متاملا)	الحكماء
فكرك كده ..	
طبعا يا افندم .. طبعا ..	الأمور
(مصدقا) ..	شريف
امال يا افندم-امال ..	

— مستار —

اللوحة العاشرة

المنظر :

- (مكتب مدير تحرير الجريدة .. مدير التحرير يجلس ..
يدخل سامى وفؤاد والمحررون ..)
- المدير : - هيه .. خير ؟
سامى : - جاهزين جدا .. الموضوع فاضل فيه ورقة واحدة والصور فى التحميض ..
المدير : - (لفؤاد)
فؤاد : - وانت ..
المدير : - ولا خمسين خبر حانزلهم طبعا كل يوم ثلاث اربع اخبار ..
فؤاد : - عرفت تاخذ منهم حاجات انسانية ..
المدير : - كثير قوى .. رايبهم فى كل حاجة حتى فى الازياء ..
فؤاد : - فى المبنى جيب والمكرو جيب ..
المدير : - (بسعادة)
فؤاد : - مش معقول ..
المدير : - اطمئن جدا ..
فؤاد : - دا انا ما بقتش الاحق اكتب .. دول رغايبين رضى ..
المدير : - هایل .. بس جيسمحو بالنشر بقى ..
سامى : - بالكثير بكره ..
المدير : - انا خايف يسمحو دلوقت ..
سامى : - ع الصوم انا حانزل كل حاجة المطبعة وتبقى تقرأها فى البروفات ..
المدير : - ونزل الصور برضه بس شوف حد كويس يوضب لك الصفحة

- سامي المدير
- صفحة مين .. دا ع الأقل تلت صفحات ..
- كويس وماله .. شيل اى حاجة بس سيب صفحات الاعلان هي الناس عاوزه تقرأ حاجة غير الحكاية دي ..
- سامي المدير
- طبعا طبعا ..
- ناقص الافتتاحية ..
- سامي المدير
- كمان الافتتاحية ..
- امال .. دي راي الجريدة والجريدة لازم يكون لها راي في موضوع خطير زي ده ..
- سامي المدير
- يعني عاوزني اكتبها ..
- لا ربح نفسك انت .. انا بعث جيت الأستاذ متولي م البيت يجوا يشتغلوا حضرات الكتاب المحترمين .. يشتغلوا صحافة بقي ..
- سامي المدير
- انا شايفه يكتب بره ..
- طبعا .. بقاله ساعتين يكتب .. لازم يشرب القهوة ويعمر الطاسة .. ولا كانه يكتب الحرب والسلام ..
- سامي المدير
- احنا اللي غلابه ..
- معشر روح انت المطبعة وانت كمان يا فؤاد تظمن على أخبارك بنفسك وانت يا سامي خليك على اتصال بالتحقيق عشان قرار حظر النشر ..
- سامي المدير
- اظمن ما تاخدش في بالك .. قبل ما يكتب ع المكتة حيكون مندى علم .. انا عامل ترتيب مع عمال تليفونات البلد كلها الليلة دي ..
- سامي المدير
- طيب شد حيلك ..
- (يخرج سامي وفؤاد ويدخل متولي ويبيعه ورق يجلس ..)
- متولي
- أهلا أستاذ متولي .. اياك يكون ربنا فتح عليك ..

الدير
متولى

- يعنى ..
- ايه التواضع دا يا راجل .. دا انا مش متخيل
الجريدة بتاعتنا من غير قلبك .. صحيح انت
ما بتمضيش الافتتاحيه انما الناس كلها عارفه
انك انت اللى بتكتبها ..

الدير
متولى

- يا سيدى المفو ..
- انشاء الله كتبت لنا ايه ..
- كتبت افتتاحيتين ..

الدير
متولى

- اتنين ..
- على سبيل الاحتياط .. ما حدش عارف
الظروف ..

الدير
متولى

- ظروف ..
- الحكاية لغاية دلوقت ما وصلتش لنتيجة محددة
وما أعرفش هل حتكون شئ كويس او شئ
وحش .. قلت اكتب لكل حالة افتتاحية عشان
نكون جاهزين ..

الدير
متولى

- وما نجيبكش من البيت تانى .. آه يا حويط .
(يضحكان)

الدير
متولى

- اقرا كده وسمعى ..
- طيب ما تاخدكم انت تقراهم على مهلك ..
- اقرا يا راجل انا احب اسمع الافتتاحيات
بالذات بصوتك اقرا ..

الدير
متولى

(متولى يفرج الورق من جيبه ويقرأ)
- دى الأولى ..

الدير
متولى

(يقرأ)
- لا شك ان خواطر المواطنين جميعا قد تعلق
مساء الامس بما جرت به الاحداث فى مقابر
الامام الشافعى .. ولا شك ان لذلك الحادث

الدير
متولى

الخطير مغزاه الحليل .. انه ببساطة نداء من
العالم الآخر بالأخذ بأسباب الثقة والقوة
وتحذير ممن سبقنا من الشهداء على طريق
الكفاح ، ان هبوا اعملوا وهذا واجبنا المقدس
الذى نتجه جميعا اليه . ان النفوس الطاهرة التى
اتجهت الينا بالنداء العظيم لعلى ثقة من انها
تنادى شعبا لن يقر له قرار حتى يثار لشهادته
فيستقروا فى جنات الخلد آمنين مطمئنين .

المدير

- عظيم يا استاذ متولى عظيم ..

شيء مقنع فعلا مقنع ..
حانقول ايه يا ترى فى الثانية ؟ ..

متولى

- طول بالك .. آدى الثانية ..

(يخرج الورقة الثانية ويقرأ)

لا شك ان خواطر المواطنين جميعا قد تعلقت
مساء الامس بما جرت به الاحداث فى مقابر
الامام الشافعى والذى يدق فى الموضوع يرى
ان الريبة والشكوك تحيط به من كل جانب ..
فلا العلم ولا العقل يقبلان ما يردده البعض ..
ولسنا خافين عن اهدافهم فى اثارة الخواطر
ولكننا نعرف متى واين وفى اى وقت ولن
تستطيع اى قوة مهما كانت ان تجعلنا نحيد عن
خطنا المرسوم لتحقيق اهدافنا العظمى ..

المدير

- عظيم .. مدهش .. اغرب حاجة ان الاثنين
مقنعين مع انهم متناقضين ..

متولى

- ع العموم عندك دى وعندك دى ..

عايز منى حاجة تانى ..

المدير

- متشكر يا استاذ متولى .. الف شكر ..

(يخرج متولى)

اللوحة الحادية عشر

المنظر :

(احمد عرابى قد جلس على النصة وامامه على القاعد
الجمهور في آخر المكان يجلس الجنود الخمسة على دكة
متجاورين ينظرون وعرابى يدق النصة فيصمت الجميع ..)
- عاوزين احد السادة الحضور كى يسجل وقائع
المحكمة الخطيرة ..

عرابى

(لا يرد احد وينظر الجميع كل الى الآخر)
- يستخفى ليه يا شيخ عبد الرحمن .. فيه حد
هنا يصلح اكثر منك للمهمة دى ..

عرابى

(تتجه الانظار الى شيخ يجلس في النهاية يقف وهو
يكاد يتوارى ..)

عبد الرحمن

- انا ما ليش شان يا سعادة الباشا بهذه الأمور
.. لقد طلقتها منذ طلقت الدار الفانية ..

- اذا كان لا يفتى ومالك في المدينة .. فاعتقد
انه لا يسجل وعبد الرحمن الجبرتي في القاعة .

عرابى

(همس مرتفع)

- الجبرتي .. الجبرتي ..

اصوات

- يا سيادة الرئيس لقد قضيت حياتي في الدار
الفانية اكتب واسجل وتركب كل ما كتبت
لابنائنا حتى يتعلموا من التاريخ ويفيدوا من
حوادثه فهل تعلموا ..

الجبرتي

- رايك انت ..

عرابى

- كل ما اعلمه ان الفائدة التي حصل عليها الاحياء
من كل ما كتبت انها تحولت على ايديهم الى
حلقات يذيعها الراديو ..

الجبرتي

- تقدم يا شيخ عبد الرحمن ولا تياس من ابنائك

عرابى

.. واذا كانت قد فاتتهم واحدة فلن تفوتهم
الثانية .. وانا ضامن لك هذا ..

- من اين يا سيادة الرئيس .. من اين تضمن لي
هذا ..

الجبرتي

- مما يجرى اليوم ..

عرايى

- هنا ..

الجبرتي

- هنا وهناك .. تقدم يا شيخ ..

عرايى

(يتقدم الجبرتي مغلوبا على امره ويجلس على طرف

النصه بجوار عرايى)

- سنريد قلما ..

عرايى

- موجود ..

الجبرتي

(يخرج قلما من داخل كفته)

- الورق ..

عرايى

- موجود ايضا ..

الجبرتي

(يسر يده في صدره ويخرج رزمة من الورق ..)

- على بركة الله ..

عرايى

نفتح الجلسة باسم الله الرحمن الرحيم ..

نبداً أولاً باخواننا القادمين من سيناء ..

من يتحدث عنهم ..

(الانتثار كلها توجه الى الجنود الخمسة الذين يتهايمون

لم يقف عبد الغفار)

- تعالى يا ابنى ..

عرايى

(عبد الغفار يتقدم من النصه)

- حدثنا بالتفصيل عما حدث وكان سببا في كل

عرايى

هذا العناء

- مفيش حاجة يا سعادة الباشا .. انا وزملائي

عبد الغفار

دول ..

(يشير الى زطله في آخر القاعة)

اقتلنا في سينا في يونية سنة ٦٧ واندفنا
هناك وبمدين يا سعادة الباشا جينا الليلة عشان
تندفن هنا .. اخوانا ما رضىوش .. آدى
الدور كله ..

- وابه اللى جعلكم تتركوا قبوركم في سينا وتاتون
الى هنا ؟

عراي

- احنا في الاول يا سعادة الباشا .. عرفنا ان
احنا انهزمننا في الحرب قلنا وماله الناس على
دى ودى والحرب كده ما حدش بيكسب فيها
على طول .. وكنا فاكرين انه بعد مدة حترجع
سينا لاصحابها .. ولما طال الوقت قلقنا قلنا
نيجي نسدفن في بلدنا مع اخواننا واهلنا
احسن ..

عبد الفغار

- انما ايه الدافع .. ايه اللى خلاكم تقوموا
وتيجوا هنا ..

- الغربة وحشة يا سعادة الباشا وسعادتك سيد
المافرين ..

عبد الفغار

- ابوه يا ابني صدقت .. اذا كانت غربة الاجساد
قاسية فما اقسى غربة الأرواح ..

عراي

- يا سعادة الباشا احنا تمينا قوى واستنينا
كثير ..

عبد الفغار

- تمبتوا قوى انا واثق من كده .. انما استنيتوا
كثير دى مسألة ممكن نناقشها مع بعض ..
الكثير في الحروب قد ايه .. شهر .. اتنين ..
سنة اتنين ثلاثه ..

عراي

- احنا قلنا سنة ونص يبقى كثير وجينا ..
- ومين اللى اعترض على انكم تندفنوا هنا ..
- احنا .. احنا ..

عبد الفغار

عراي

صوت

(يطفي لابسى الاكلان يفلون)

- عراي
عبد العال
- مين حيمرض راينكم ..
— انا يا سعادة الباشا .. انا عبد العال عبد الموجود
استشهدت في حرب ١٩٤٨
- عراي
عبد العال
- انتوا اعترضتوا على انهم يندفنونوا معاكم ليه ؟
— يا سعادة الباشا .. احنا ناس نعرف النظام ..
نعرفه في الدنيا وفي الآخرة كيمان .. المدافن
الى احنا مدفونين فيها دي مخصصة للمحاربين
.. واخوانا دول محاربوش يبقوا يندفنونوا معنا
ازاي .. انا قلت يروحوا يندفنونوا مع الملكية الى
زيهم ..
- عبد الفغار
- يا سعادة الباشا نندفن مع الملكية ازاي ..
احنا عساكر ومتنا في الحرب .. بقي دا اسمه
كلام ..
- عراي
- حنسمع وجهة نظرك يا اخ عبد الفغار .. كمل
يا عبد العال ..
- عبد العال
عراي
- بس يا سعادة الباشا آدى الحكاية كلها ..
— واعتراضك منصّب على ايه .. دول مجندين
زيك بالظبط وقتلوا زيك في الحرب ..
- عبد العال
- لا يا سعادة البيه .. دول محاربوش ابدًا ..
حتى اسألهم كده ..
- عراي
- دول عساكر ماتوا في الحرب لابسين عساكر
قدامك أهوه ..
- عبد العال
- ولا كل من ركب الحصان خيال يا سعادة
الباشا ..
- عراي
- يا عبد الفغار يا ابني .. انتوا رحنوا سينا

- ليه .. ؟
- عبد الفغار - عشان نحارب ..
- عرايى - وحاربتوا ..
- عبد الفغار - لا ..
- عرايى - ليه ..
- عبد الفغار - ما نعرفش ..
- عرايى - يا ابني ما تعرفوش ازاي .. مش الاعداء كانوا قدامكم ..
- عبد الفغار - ايوه ..
- عرايى - وهجموا عليكم ..
- عبد الفغار - ايوه ..
- عرايى - طلب ازاي ما حاربتوش ..
- عبد الفغار - استمدينا للحرب .. وفرق منا هجمت وبعدين جتنا اوامر اتنا ننسحب انسحبنا .. انسحبنا من قبل ما نحارب واصطادونا واحنا راجعين ..
- عرايى - واوامر الانسحاب جتكم منين ..
- عبد الفغار - من فوق يا سعادة الباشا ..
- عرايى - فوق فين يا ابني ..
- عبد الفغار - هم قالولنا كده .. الاوامر جت من فوق ..
- عرايى - امال كنتم رايحين تعمملوا ايه اذا كان اول ما ابتدت الحرب قالولكم انسحبوا ..
- عبد الفغار - كنا رايحين نحارب ..
- (يقف احد لاسى الاكفان ويرفع يده)
- عرايى - ماذا تريد ..
- الميت - عاوز اقول رايي في الموضوع ..

عرايى
عويس

- انت مين ..
- سعادتك فاكرنى .. انا عويس محمددين كنت
اومباشى فى جيش سعادتك وحاربت مع سعادتك
فى التل الكبير ..

عرايى
عويس

- اتفضل ..
- انا مش شايف فيه فرق بين اخوانا اللى حاربوا
فى سنة ١٩٤٨ واخوانا اللى حاربوا فى سنة
٦٧ .. وفى سنة ٤٨ عساكرنا هجموا ع العدو
زى الاسود وبعدين الخيانة لعبت دورها
بالأسلحة الفاسدة وبالهدنة .. وفى سنة ٦٧
القيادة كمان لعبت دورها .. هو اللى كان
السبب فى الهزيمة انما الرجالة كانوا زى الاسود
وفيهم رجاله عملوا زى الاسود واكثر ..
وعشان كده انا مش شايف فرق ابدا .. ولا بد
دول يندفئوا مع دول ..

عبد العال

- مع احترامى لسعادتك انما الاخ عويس كمان
حارب معركة خسرانة فى التل الكبير ..

عرايى

- الخيانة كمان لعبت دورها يا عبد العال ..
.. خيانة الخديوى والباشوات ..

(يقف محمد لابسى الاكفان)

محمود

- انا محمود يسن حاربت مع سعادتك فى كفر
الدوار ..

فيه حاجه مهمة لازم نعرفها كلنا ويعرفها
اولادنا اللى لسه بيحاربوا واللى لسه حا يحاربوا
.. جيش عرايى هزمت الخيانة .. الخديوى

والباشوات .. وجيش ٨٠ هزمته الخيانة الملك
وأعدائه .. والسياسيين والأضراب .. وجيش
٦٧ هزمته القيادة العسكرية إلى مشن في
مستوى المسئولية .. معنى كده كله .. انه
لا يمكن البلد تقدر تعارب الا اذا كانت كلها يد
واحدة عثمان عُدش يظعن جيشها م الحلف ..

- تبقى يد واحدة ازاي ..

صوت

- ما يبقاش فيها حكام ومحكومين .. ما يبقاش
فيها واحد ييموت م الجوع وواحد ييموت
م التخمه .. ما يبقاش فيها واحد ياكل لحد
ما يطق وواحد يجوع لحد ما يفتس ..

محمود

- خلاص يا ابني البلد ما عدش فيها باشوات ولا
باهوات ولا ملك ولا امرا ..

عربى

- لا يا سعادة الباشا .. اللي يختشى من بنت عمه
ما يجيبش منها عيال .. احنا فلاحين وعارفين
كويس لما نقطع الشجرة م ع الوش جذورها
بتطلع شجرة مطرحها .. انما لما نخلمها من
جذورها ما تطلعش تاني .. الباشوات
والباهوات مش بالرتبة والأخلاق والنية ..

محمود

- كلامك مظبوط يا محمود ..

عربى

- يا سعادة الباشا .. العسكري لازم يكون ضميره
مخفى وهو هناك يبحارب بدمه ..

محمود

(يلف احد لابسى الاكلان ويتحدث)

عراي
عوض

- حضرتك مين ..

- انا عوض حسنين على انا حاربت جيش لويس
في المنصورة واسرناه وطردنا الصليبيين من
ارضنا .. انا عاوز اقول حاجه عرفتها م التاريخ
.. ابن مصر لما بيستنى في بلده لحد الاعداء
ما يهجموا عليه بينهزم زى ما حصل مع الانجليز
والفرنسيين واليهود .. انما لما يهجم هو الاول
بينتصر زى ما حصل في حطين ومرج دابق ..
ليه احنا استيننا في سينا لما هجموا علينا
ما هجمناش احنا الاول ..

عراي
عوض

- على قد علمى دى كانت مسائل سياسية ..
- يا سعادة الباشا الحرب حرب والسياسة
سياسة .. الحرب دى لعب بأرواح ناس وعرض
ناس .. انما السياسة شغل ع الورق .. ايش
جواب لجاب ..

عراي

- نرجع لموضوع قضيتنا .. فيه حد يحب يقول
وايه ..

(يلف احد الميتين ويتحدث)

نبيل

- انا نبيل سليمان قتلت في بور سعيد سنة ٥٦ هـ انا
راي ان الاخوان القادمين من سينا لا يندفونوا
مع اخوانا اللى حاربوا سنة ٤٨ هـ ولكن يندفونوا
مع شهداء النضال ضد الاحتلال باعتبارهم
شهداء وليسوا محاربين ..

(يلف احد الميتين)

عراي
بيومي

- حضرتك مين ..
- انا بيومي عبد السميع انا استشهدت في ثورة
١٩ قتلني الانجليز في ميدان الازهر .. احنا
قمنا ضد الاحتلال وماكانش معنا سلاح ووقفنا
قدام المدافع والبنادق ..
ازاي اخوانا اللي قتلوا وهما بينسحبوا
يعتبروا زينا ..

البيت

(يقف احد الاموات)
- انا مصطفى البهتيل استشهدت في مقاومة
الاحتلال الفرنسي في بولاق .. احنا نظمنا
نفسنا وعملنا جيش كان كل سلاحه الطوب
والعصيان وقدرنا نهزم الفرنسيين ونخليهم
يهربوا بجلدهم ويجلوا عن بلدنا ..

البيت

(يقف احد الاموات)
- انا عبد الرؤوف مبارك .. انا استشهدت وانا
باحظ لغم في معسكر انجليزي في الاسماعيليه سنة
٥٣ هـ انا ومجموعة من زمالي .. كنا بنهاجم
المسكرات البريطانية احنا عدد قليل ما معناش
سلاح .. ازاي اللي قتلوا وهم ما حاربوش
يقوا زينا ..

عراي
عبد الرؤوف

- طب ورايك ايه .. اخوانك دول يندفئوا فين ..
- انا رايت دول شهداء صحيح انما دمهم في رقة
اللي بمتوهم ويمدين قالولهم انسحبوا .. دول
قتلى واللي قتلوهم معروفين ..

عراي
عبد الرؤوف

- يعني يندفئوا فين ..
- مع شهداء حوادث القتل ..

هراي

- اسمع يا عبد الرؤوف .. ماتتاش شاعر ان
كلامك ده انت واخوانك اللي سبقوك .. فيه
جرح لشعور اخوانك اللي فقدوا حياتهم ..
وبعدين كل اللي طالبيته انهم يندفئوا هنا
معاكم ..

عبد الرؤوف

- بالعكس يا سعادة الباشا .. اخوانا دول رجاله
ولو خدوا فرصة عشان يحاربوا كانوا حاربوا
زى الرجاله انما اذا احنا اعترفنا بيهم كمحاربين
او شهداء معارك تبقى كاننا اديننا البراءة
للمجرمين الحقيقيين ..
(يقف احد الاموات)

محفوظ

- انا محفوظ عبد العاطي طالب في الجامعة وغرقت
على كوبرى عباس سنة ١٩٤٦ وكنت سعيد يوم
ما جيت وقعدت مع الاخوان وكل ما ابص لمصر
وهي بتكبر .. وتطرده المحتلين وبتتطور .. كنت
اسعد انسان وانا باحس ان احلام جيلى والاجيال
الى سبقتنى كلها بتتحقق وفجأة لقيت
يد قاسية نزلت على نافوخي ومن يومها وانا
دايخ مش شايف حاجه عدلة قدامى .. باسأل
نفسى انا كنت عايش في وهم كل اللي كان قدامى
دا ماكنش صحيح .. امل ازاي .. ازاي دا
حصل .. واللى حصل لازم فيه حد مسئول
عنه ولازم يكون معروف مش ممكن جرائم زى
دى بيرتكبها مجهول دى مش حرق ساقية ..
ولا عيار انضرب نص الليل على واحد ماشى في
وسط الدرة .. لا .. لا ..

عرايى
محفوظ

- احنا كلنا عايشين الماساة يا أخ محفوظ ..
- حاسس يا باشا .. شايف يا باشا الناس بقت
ازاى ..

بتسمع يا باشا عن الفلاسفة .. فلاسفة
الهزيمة اللى طلوعوا م الشقوق وعاوزين يعملوا
م الهزيمة نظرية تاريخية .. تاريخنا اللى العالم
كله طول عمره يبص له بغيره وحسد بيقلوا
فجأة بقى كله هزائم .. سمعت الاساتذة اللى
بيقولوا ان مصر طول عمرها مستعمرة وانها
طول عمرها ما حاربتش .. مصر اللى عمرها
بتكافح وبتحارب .. سمعت يا باشا وقريت ..

عرايى

- الهزيمة كانت قاسية وقسوتها زى انت ما بتقول
دوخت بعض الناس والدوخة بتخلى البعض
يهزى بكلام فارغ كثير انما دا لا يمكن يغير
التاريخ .. ولا يمكن يخلينا نتخلى عن مبادئنا
اللى عاوز يعرف تاريخ مصر صحيح ما يبصش
الى عايشين يبصوا الى ماتوا .. يبص للى
ماتوا هم فى الميدان بيحاربوا العدو .. ويبص
للى ماتوا وهم بيحاربوا الطفيلان وبيحاربوا
الخيانة وبيحاربوا الجوع فى كل المعارك

محفوظ

عرايى

- يا باشا انت سامع كل حاجه ..
- عاوز اقولك كلمة يا ابنى انت وامثالك اللى
بيزعزع ايمانهم كلام بيسمعهو .. مصر يا ابنى
مش هى القاهرة وقهاويها ومجالسها .. مصر
هناك فى الفيظ وفى المصنع .. مصر مش هى

اللى بتتركب العربية .. مصر اللى لسه راكبه
الجمار مصر مش هى اللى بتحللم بالقنى
والفلوس .. مصر دى هى اللى بتحارب وهى
اللى بتنتصر ..

محفوظ

— أبوه يا باشا .. انما مصر الثانية صوتها عالى
بتشوش وتزعق وتعرض نفسها على اللى هنا
واللى هناك ..

عرابى

— خلاص يا ابنى ماحدث عاد يقدر يفرض نفسه
غير الحقيقة اللى بيدفع الثمن هو اللى من حقه
انه يقود اللى بيقدم روحه من حقه يختار ساعة
استشهاده .. وكمان قبره واذا كانوا اللى
بيزعقوا مش حيمرفوا الحقيقة دى ..
حينداسوا لانهم بزيعقهم بيعطلوا جيش كبير
قوى حيمشى ليومه ومصريه

محفوظ

— والمجرمين يا باشا ..

عرابى

— جهروحوأ فين .. مش م الحكمة اننا نسيب
المركة دلوقت ونقعد نحاكمهم انما لهم يوم ..

محفوظ

— الشعب طيب ينسى ..

عرابى

— ينسى كل ده ..

محفوظ

— أرجو ..

عرابى

— نرجع للقضية .. فيه حد فيكم يحب يضيف
حاجه

(لا احد يرد)

اذن ترفع الجلسة للاستراحة وتعود للانعقاد
بعد ربع ساعة لاصدار الحكم . .
(يقف مرأى ويقف الجمهور)

— مستأز —

اللوحة الثانية عشر

المنظر :

(الطريق المصوف بالقرب من مقابر الامام .. الحكماء
والامور والسكرتير والضابط يقفون .. الحكماء قلق
جدا يسر في عصبية مخننا .. الامور قلق يرقب الطريق من
بعيد .. يشاهد الخبر يرتدى الكفن مقبلا من بعيد ..
يستحقه على الاسراع ..)

— قرب شوية أهو جه أهو ..

الامور

(الحكماء يتوقف .. يصل الخبر يعيطون به جميعا)

— ايه عملوا ايه ..

الحكماء

— خلاص يا سعادة البيه .. كلها خمس دقائق
والحكم يصدر خلاص ..

الخبر

— قول لنا بالتفصيل عملوا ايه ..

الحكماء

— سعادة الباشا عرابي نظر القضية ورفع الجلسة
للاستراحة وحيصدر الحكم حالا ..

الخبر

— قالوا ايه .. مين اللى اتكلم .. انطق ..

الحكماء

— كلهم يا سعادة البيه .. كلهم اتكلموا ..

الخبر

— كل واحد منهم قال رايه ..

الحكماء

— كلهم مين .. انت ما بتفهمش ..

— كلهم يا افندم .. السادة الميتين كلهم اتكلموا ..

الخبر

— وانت رايح عشان تقول لى اتكلم .. قالوا

الحكماء

ايه ..

- كله مكتوب يا سعادة البية .. مكتوب ..
- مكتوب ..
- الحكماء
المخير
- في الورق يا سعادة البية .. جابوا واحد اسمه
الشيخ عبد الرحمن عمل كاتب جلسة وكتب كل
حاجة ..
- ومين الشيخ عبد الرحمن ده ؟
- ماعرفش يا سعادة البية انما الظن كده انه
م الفقير ..
- تعرفه قبل كده ..
- الحكماء
المخير
- ما خدش في بالي يا سعادة البية ..
- امال ايش عرفك انه من الفقير ..
- الحكماء
المخير
- اصل المدفونين في الامام ماعرفهوش . قلت
لازم كان مدفون في الفقير ..
- مدفون ..
- الحكماء
المخير
- ايوه يا سعادة البية ..
- طب وحاتفيدنا بابه الحكاية دى ..
- الحكماء
المخير
- اصل انا سمعت الشيخ عبد الرحمن بيقول انه
بعد ما الحكم يصدر حيدى اوراق القضية كلها
للناس الى لسه هايشين عشان يقروا ..
- ويستوعظوا ..
- وبعدين حتعرف تجيبه ..
- الحكماء
المخير
- اول ما يصدر الحكم يا سعادة البية حاكشف
عن شخصيتي واجيب الورق كله وتنى جاى ..
- اوهى يروح منك ..
- الحكماء
المخير
- ازاي يا سعادة البية ..

- الحكماء
المخير
- الورق ذا بخيرك ..
حاضر يا سعادة البسه .. ارجع انا عثمان
الحق ..
روح ..
- الحكماء
- المخير
- المخير
- عسكري
- الشاويش
المخير
- (شاويش يخرج من جيب البطلون جريدة يومية مطبقة)
خد حط ده على صدرك ..
هات الله يخليك ..
(المخير يتناول الجريدة ويمسها في صدره تحت الكفن
ويعمل نفسه ويسر)

— ستار —

اللوحة الثالثة عشر

المنظر :

الجهة في الضفة الغربية لقناة السويس بين الاسماعيلية
وبور سعيد خيكل بمدفع مصوب الى الجهة الشرقية عبر
القناة .. بجوار المدفع جنديان أحدهما يمسك بالمدفع
والآخر بجواره .. يلوح من بعيد وعلى الضفة الشرقية
مبنى عليه علم ..)

- | | |
|--------|--|
| جندى ١ | - سمعت الى حصل في مصر .. |
| جندى ٢ | - ايوه سمعت .. |
| جندى ١ | - عارف معناه ايه |
| جندى ٢ | - عارف .. |
| جندى ١ | - وبمدين .. |
| جندى ٢ | - كل شيء له اوان .. |
| جندى ١ | - انا كل ما اكلحك تقول لى كل شيء له اوان .. |
| جندى ٢ | - ايوه .. |
| جندى ١ | - ايوه ايه .. |
| جندى ٢ | - عشان كل شيء له اوان .. |
| جندى ١ | - واوانه دا حايجى امتى .. |
| جندى ٢ | - لما تبقى مستعدين .. |
| جندى ١ | - امتى .. |
| جندى ٢ | - الرجله صح انك تمسك أعصابك لحد اليوم
الموعد .. |

- جندى ١ - امسك اعصابي ازاي .. انت شايف بيعملوا ايه
وسامع بيعملوا ايه هناك كمان ايه ..
- جندى ٢ - شايف وسامع زيك بالظبط ..
- جندى ١ - امال زى ما يكون ولا على بالك ..
- جندى ٢ - دا المفروض ..
- جندى ١ - المفروض يبقى ولا على بالى ؟
- جندى ٢ - لا .. المفروض تبقى زى الى ما يكون ولا على
باله ..
- جندى ٢ - شايف العلم ده ..
- جندى ١ - بقى له سنة ونص شايفه ..
- جندى ٢ - بتشوفه وانت نايم زى ..
- جندى ١ - وانا صاحى وانا نايم .. باحس ساعات انه
مدفوس جوه مراوحى حيطبق عليها يخنقها ..
- جندى ١ - طب ما تنصرف بقى ..
- جندى ٢ - لو كانت الحكاية بسيطة كده .. كنا انصرفنا
من زمان ..
- جندى ١ - امتى بس امتى ..
- جندى ٢ - طول بالك عن قريب ..
- جندى ١ - انت خت اجازات ..
- جندى ٢ - مرة واحدة ونزلت البلد يومين ..
- جندى ١ - شفت الناس هناك ..
- جندى ٢ - ورجعت قلت توبة ومن يومها ما نزلتش ..
- جندى ١ - انا لفيت اجازتي .. مش نازل تانى انا زيك
رحت مرة واحدة ومشيت فى الشارع وركبت
الاتوبيس ودخلت السينما ..

- جندی ۲ - دخلت السیما کمان .. یا بختک ..
- جندی ۱ - قلت ادخل یمکن انسى ..
- جندی ۲ - ونسیت ..
- جندی ۱ - ابدا ..
- جندی ۲ - کان فیلم انه ..
- جندی ۱ - کان فیلم یضحک ..
- جندی ۲ - والناس کانت بتضحک ..
- جندی ۱ - قوى زى ما یمکن عندها تشنچ عصبى ...
- ضحکوا ع الحاجات اللى بتضحک والحاجات اللى ما بتضحکش ..
- جندی ۲ - عاوزین یضحکوا وخلص ..
- جندی ۱ - زى الواحد اللى نفسه یسکر .. لو جبت له مية ملونة وشربها حیسکر برضه ..
- جندی ۲ - عشان هو عايز یسکر ..
- جندی ۱ - عشان هو حاطط فی دماغه انه لازم یسکر ..
- کمان الناس حاطه فی دماغها انها لازم تضحک وعشان کده بتضحک
- جندی ۱ - انما لیه اول ما یظلموا من الفیلم .. کانهم عمرهم ما ضحکوا تلاقى کل واحد راح مکبوس ومکثر ..
- جندی ۲ - بیرجعوا یفتکروا تانى ..
- جندی ۱ - زى السکران اول ما یفوق .. یحس بالصداع ویرجع یندم کمان عشان سکر ..
- جندی ۲ - بیندموا انهم بیضحکوا ..
- جندی ۱ - زى ما یمکن یعذبوا نفسهم بقصد .. یدخلوا

ويضحكوا ويعدن يفكروا انهم ضحكوا فبزعلوا
اكثر ..

- ورحت فين غير السيمما .. جندی ۲
- ای حنة رحتها كانت الناس مالهاش سيرة غير جندی ۱
- الموضوع ..
- طبعما حيتكلموا في ايه غير فيه .. جندی ۲
- كل اتنين يقعدوا مع بعض ويفتحوا ای موضوع جندی ۱
- حتی لو اتكلموا في كحك العيد بعد خمس دقائق
- تلاقيهم بيتكلموا في الموضوع برضه ..
- غلابة .. جندی ۲
- هم غلابة بعقل .. انا صعبوا عليه خالص .. جندی ۱
- وسمعت نكت هناك .. جندی ۲
- سمعت كثير .. جندی ۱
- وزعلت الاول اتما تعرف انا لما فكرت فيها
- قلت ايه ..
- زى مايقولوا .. دى طبيعة الشعب المصرى .. جندی ۲
- ابدا .. جندی ۱
- امال ايه ؟ جندی ۲
- كان في بلدنا راجل مستشيخ كده .. كان يمشي جندی ۱
- في الشارع ومعري صدره وماسك في ايده حجر
- كبير يضرب على صدره به
- كان بيوجهه .. جندی ۲
- لازم كان بيوجهه .. اتما ماكانش يقول آه .. جندی ۱
- عشان هو اللي بيضرب نفسه حيقول آه آه .. جندی ۲
- اهم الناس في بلدنا كده .. يقولوا نكت على جندی ۱

نفسهم زی ما یکنوا بیضربوا نفسهم بحجر

کبر ..

- جندی ۲ - وما یقولوش آه ..
- جندی ۱ - لا بیضحکوا .. وبعدين یعذبوا نفسهم من جوه
عشان قالوا النکت وعشان ضحکوا علیها ..
- جندی ۲ - فکرک دا مطبوط ؟؟
- جندی ۱ - الی قادرین علیه بیعملوه ..
- جندی ۲ - اصل کل واحد حاسس انه مسئول ..
- جندی ۲ - مش مطبوط ..
- جندی ۱ - مطبوط ولا مش مطبوط دا الی حاصل ..
- جندی ۲ - طب وکانوا حیعملوا ایه ..
- جندی ۱ - یعملوا کثیر وعشان ما عملوش کل واحد
حاسس انه مسئول ..
- جندی ۲ - فیه حاجات کثیر ما کانوش یعرفوها ..
- جندی ۱ - ما هم برضه مسئولین .. ازای بقی فیه
حاجات کثیر ما یعرفوهاش ..
- جندی ۲ - الناس معذوره برضه ..
- جندی ۱ - واحنا کمان معذورین .. آه یا ناری ..
- جندی ۲ - طول بالك کلنا مش عاوزین نتخم زی المره
دوکها ..
- جندی ۱ - اوعی تجیب سیره المره دوکها .. کفایه بقی ..
- جندی ۲ - لازم تجیب سیرتها عشان ما نقعش فیها
تانی ..
- جندی ۱ - والجماعة الی طلوعوا من سینا دول وراحوا
مصر .. حیحصل لهم ایه ؟
- جندی ۲ - الله أعلم .. بس عملوا کده لیه ..
- جندی ۱ - قلقوا زینا .. فکرک دول مش عایشین معانا ..

- جندى ٢ - الأرواح عايشه فى كل مكان ..
- جندى ١ - مفيش روح بتهدا الا لما تاخد بالنار ساعته
بس تستقر فى التربه
- جندى ٢ - ربنا يريحهم ..
- جندى ١ - وكنا بنقول اللى مات ارتاح ..
- جندى ٢ - يمكن ظلموا عشان يقولوا لنا انتوا غلطانين ..
- جندى ١ - أحنا مش مرتاحين ولا حاجة ..
- جندى ٢ - لا اللى مات مرتاح ولا اللى عاش مرتاح ..
- جندى ٢ - مفيش راحة الا لما تاخد بتارنا ..
- جندى ١ - بس .. اسمع تيجى تضرب ..
- (يستمد يعرك المدفع كانه سيفرب ويسرع زميله فيمسك بيده على المدفع ..)
- جندى ٢ - خليك عاقل ما تبوظش كل حاجة ..
- جندى ١ - انما الحكاية دى لها حدود ..
- جندى ٢ - الرجاله بس هم اللى يقدروا عليها ..
- جندى ١ - والرجالة برضه تقدر تستحمل لحد محدود ..
- جندى ٢ - طبعا ..
- جندى ١ - ما تسيبني افش غلى وأطفى النار اللى فى قلبى ..
- جندى ٢ - مش وقته طول بالك ..
- (تمر لحظة صوت يرتفع .. صوت مسكرى من الخندق مجاور يقنى)
- جندى ١ - يا ليل يا عين ..
- جندى ٢ - هو رجع يقنى تانى ..
- جندى ٢ - من قلبه ..
- جندى ١ - سبع سواقى بتنمى لم طفولى نار ..
- جندى ٢ - (يردد هذه القطع حتى ينزل الستار بيضا)
- جندى ١ - سبع سواقى بتنمى لم طفولى نار ..
- جندى ٢ - سبع سواقى بتنمى لم طفولى نار ..
- جندى ٢ - سبع سواقى بتنمى لم طفولى نار ..

اللوحة الرابعة عشر

النظر :

(في مقابر الامام .. الجمهور يقف مجموعات .. الجنود الخمسة يجلسون على دكة متجاورين صامتين .. المخبر يجلس بالقرب من الجنود .. واضح انه قلق .. يفرج من صدره الجريدة التي سبق ان وضعها ويبدأ في القراءة فيها .. النص خالية .. الحديث يدور في صوت مرتفع احد الجنود الخمسة يرى المخبر .. يعيّل على زملائه ويشير الى المخبر .. احدهم خميس يقوم ويتجه الى المخبر يقف امامه ويحدثه ..)

- مساء الخير ..

خميس

- مساء النور ..

المخبر

- (يشير الى الجريدة التي بيده)

خميس

الجرنال ده جديد ..

(المخبر يقف مضطربا ويطوى الجريدة في يده وكأنه قد ضبط متلبسا باحدى الجرائم ..)

- آه .. دا جرنال يعني ..

المخبر

- بتاع امتى ..

خميس

- بتاع النهارده واحدم الناس الى لسه ماماتوش اداهولى ..

المخبر

- بقى لنا سنة ونص ما قريناش جرائد ..

خميس

(المخبر يحاول التظاهر بالصنك)

- احمد ربنا انا بقى لى ييجى خمسميت سنة ما قرينتش جرائد خالص

المخبر

- هو حضرتك ميت من خمسميت سنة ؟

خميس

- يوه واكثر .. ييجى الف ..

المخبر

- وكان عندكو جرائد ..

خميس

- المخبر
خميس
المخبر
- طبعاً أmaal كنا نتعرف الأخبار منين ..
– غريبه .. أصل قالوا لنا في التاريخ ..
– (مقاطعاً)
تاريخ ايه يا عم .. انت بتصدق الكلام ده .
- خميس
المخبر
- على رايك .. تسمع ..
(يمد يده)
الجرنال ..
(دون ان يقدمه)
- خميس
المخبر
- بس اقراه انا وزملائى .. اهو نعرف الاخبار
الى مانعرفهاش
– (يقدم الجريدة)
اتفضل اتفضل ..
- خميس
المخبر
- حاقراه واجينهو ولك على طول ..
– لا اتفضل ..
- (خميس يسر معه الجريدة .. المخبر يتحرك ليلدوب
بين الجمهور .. خميس يجلس في وسط زملائه ويبدأ في
قراءة الصفحة الاولى ورموس الجميع قد مالت عليه
تشاركه القراءة .. يدخل احد الرجال يحدث الموجودين ..)
- الرجل
- الباشا خلاص وصل للحكم وجاى فى السكه ..
(الجماعة تزداد .. ثم تهدأ بعض الشيء .. بعض الافراد
يتجهون الى القاعد ويجلسون .. الجنود الخمسة منهمكون
في القراءة)
- عبد الفتاح
خميس
محروس
رفسوان
شوقى
عبد الفتاح
- قريتوا ..
– يعنى اجتدلوا خلاص ..
– احنا استمجلنا شويه ..
– انا مش قلت لكم كنا نستنى كام يوم كمان ..
– ع العموم حصل خير ..
– باقول تقوم نرجع بقى ..

خميس
عبد الففار

- مش ناستنى الحكم ..
- مالوش لازمه ..

(خميس يضع الجريدة على المقعد ويقف الخمسة وفي نفس اللحظات يدخل عرابى فيقف من بالقاعة وينتهز الجنود الخمسة الفرصة ويخرجون دون ان يلتفت اليهم احد .. عرابى يتف ويسر للجميع فيجلسون .. الجبرتي يجلس بجواره يدون)

- بسم الله الرحمن الرحيم .. فتحت الجلسة
فين المتقاضين ..

عرابى

(تقف مجموعة من الاموات لوى الاكفان .. عرابى ينظر اليهم ويدور ببعره في القاعة بحثا عن الجنود الخمسة فلا يراهم ..)

- فين اخوانا بتوع سينا ..

عرابى

(لا يظهر احد .. الجالسون يدورون في المكان بحثا عن الجنود الخمسة بأبصارهم ويرد احد الاموات)

- مش هنا ..

الميت

- حد يشوفهم بره ..

عرابى

(يفرج احد الاموات ويثور اللفظ بين الموجودين .. المخبر يظهر وهو مضطرب جدا .. يعود الميت من الخارج)

- مش موجودين ..

الميت

- مش موجودين ازاي .. راحوا فين ؟

عرابى

(ويفرج بعض الاموات)

- مين آخر واحد شافهم هنا ..

عرابى

(المخبر يتردد والمخبر يتقدم)

- انا يا سعادة الباشا ..

المخبر

- شفتهم فين ..؟

عرابى

- جه واحد منهم وخذ منى الجرنال وقعدوا هما الخمسة يقرأوا فيه وبعدين ماشفتهمش بعد كده ..

المخبر

- عراي
المخير
- الجرنال .. جرنال ايه ؟
- (يضطرب)
دا جرنال كان اداهوني واحد من الناس
البعدا الصاحين
- عراي
المخير
صوت
- وفين الجرنال ده ..
- خدوه معاهم ..
- الجرنال هنا .. سابوه ع الدكة ..
(ميت يرفع الجريدة ويلعب الى عراي ويسلمها له ..
عراي يقرأ الصفحة الاولى ..)
- فين اخوانا بتوع سينا ..
- عراي
- (عراي يقتش بيصره في الصفحة الاولى والجميع
صامتون واخيرا يشرق وجهه ويرفع رأسه ..)
- هو لازم الخبر ده ..
(يقرأ)
اعلان قيام منظمة للفدائيين المصريين في
سيناء .. قيام المنظمة باعمال بطولية ضخمة .
(يضع الجرنال)
لازم الخبر ده هو الى خلاهم سابونا
ومشيو ..
- عراي
- (يدخل رجل من الخارج يصيح)
- يا سيادة القاضي الجماعة قابلونى في السكة
وقلولى اقول لسعادتك انهم رجعوا سينا تانى
وحيندفتوا هناك ..
- عراي
- (هممة متصلة يقطعها صوت عراي)
- عرفوا انهم استعجلوا شويه .. رجعوا يندفتوا
في ارضهم ..
- بس تعبونا معاهم ..
- بالعكس دى كانت فرصة ملشاننا كلنا وعشانهم
كمان ..
- عراي

- الجبرتي (يشير الى الصالة) ..
وعشان اخوانا اللي لسه ما شرفوناش ..
- عرايى تشطب القضية لتنازل احد طرفي النزاع ..
- (يقف عرايى ويقف الجمهور .. الخبر يتجه في سرعة الى الجبرتي)
- تسمح تجيب الحضر ..
- عاوزه ليه ..
- المخبر الجبرتي (مشيرا الى الصالة)
المخبر عشان اديهمم يقرؤا ويستوعظوا ..
- الجبرتي - انت منهم ..
المخبر - انا الله يسامحك .. بس أصل لنا ليه واحد قريبي فيهم ..
- الجبرتي - خد ..
- (الجبرتي يطوى الاوراق ويسلمها للمخبر .. يتلقاها في فرح ويعود سرعا ..)
- اسمع ..
- الجبرتي (يقف الخبر ويتجه الى الجبرتي)
سلم ع البيه المأمور ..
- (وهو لا يفهم) شالله تسلم ..
- المخبر

— ستار —

للمؤلف

- ١ - أرزاق مجموعة قصص قصيرة مطبوعات الشهر ١٩٥٨ (نفدت)
- ٢ - المحروسة مسرحية الطبعة الاولى - الدار القومية ١٩٦٢
الطبعة الثانية - الدار القومية ١٩٦٤ (نفدت)
- ٣ - كفر البطيخ مسرحية الطبعة الاولى - الدار القومية ١٩٦٥
- ٤ - السبينة مسرحية الطبعة الاولى - الدار القومية ١٩٦٦
- ٥ - كوبرى الناموس مسرحية الطبعة الاولى الكاتب العربى ١٩٦٧
- ٦ - سكة السلامة مسرحية الطبعة الاولى الكاتب العربى ١٩٦٧ (نفدت)
- ٧ - المسامير مسرحية الطبعة الاولى الكاتب العربى ١٩٦٧ (نفدت)
- ٨ - نادى النفوس العارية مجموعة صور الكتاب الذهبى ١٩٦٦ (نفدت)

تحت الطبع

- ١ - الأستاذ مسرحية ٢ - كوايس فى الكوايس مسرحية
- ٢ - بير السلم مسرحية ٤ - يا بلد مجموعة قصص قصيرة

التوزيع للداخل والخارج

شركة توزيع الأخبار



.726
365s



0486655

الشمس

مؤسسة دار الشعب